



একমেবাদ্বিতীয়ং

দশম কল্প

চতুর্থ ভাগ

বৈশাখ ত্রীক দশম ৫৩

৪৬৫ সংখ্যা

শুক ১৮.৫৫

তত্ত্ববোধিনী পত্রিকা

মন্ত্রবাহকমিদমগ্রন্থাসীন্নান্যত্ কিত্বনাসীত্বিৎ সর্বমসজত্ । তদেব নিত্যং জ্ঞানমননং শিবং স্তনন্দশিববয়বমেকমেবাদ্বিতীয়ম্
সর্বত্রাপি সর্ব নিয়ন্ত্ সর্বান্য়সর্বং বিত্ সর্বশক্তিমহুর্ষুব পূর্ণমপ্রতিমমিতি । একস্য নস্ত্রীণীপাসনত্র
পারত্রিকমৈত্রিকত্ব যমমবতি । নশ্মিন্ শ্রীনিজস্য সিয়কার্য সাধনত্ব তদুপাসনমিব ।

বেদান্ত-দর্শন ।

৪৬৪ সংখ্যক পত্রিকার ২৩৭ পৃষ্ঠার পর ।

শ্রুতি কহিতেছেন “ আত্মন্যোবাত্মানং পশ্যতি ” আত্মাতেই পরমাত্মাকে দৃষ্টি করিবে। “ হিরণ্যে পরে কোষে বিরজং ব্রহ্মমিকলং ” জীবাভ্যারূপ জ্যোতির্ময় কোষে ব্রহ্ম স্থিতি করেন। “ তংহ দেবমাত্মবুদ্ধিশ্চকাশং ” সেই পরমাত্মা আত্মবুদ্ধির প্রকাশক। এই প্রকারের বিস্তার শ্রুতি আছে। এই সকল শ্রুতির তাৎপর্য এই যে ব্রহ্ম পরমাত্মারূপে জীবাভ্যার মধ্যে স্বয়ং প্রকাশ, এবং জীবাভ্যা সেই প্রকাশের দ্বারা প্রকাশিত। হুতরাং শ্রুতির স্কুল সিদ্ধান্ত এই যে আত্মা শব্দ যত বিশদ রূপে পরমাত্মাতে প্রয়োগ হইতে পারে তত জীবাভ্যাতে নহে। সেই হেতু জীবাভ্যা যত দূর পরমাত্মাকে আমি বলিতে পারেন তত আপ-নিকতা, নিরূপাধিত্ব ও পরতঃ-বিচার ব্যতীত জীবের সেই পরমাত্মাভাব নিক্ত হয় না। এ সংসারে জীবাভ্যা প্রকৃতি-নিষ্ঠ হইয়া আছেন। প্রকৃতিকে ব্যবহার

ও ভোগ করিবার নিমিত্তে জীবাভ্যার বিবিধ করণ বিদ্যমান আছে। মনোবুদ্ধি প্রভৃতি অন্তঃকরণ এবং দেহেন্দ্রিয়াদি বাহ্যকরণ সমস্ত তাঁহার সহায়। জীবাভ্যা এই সকল করণকে স্বীকার পূর্বক স্কুল সূক্ষ্ম প্রাকৃতিক ঐশ্বর্য্য ভোগে উন্নত আছেন। আমরা বিষয়ভোগের মধ্যে থাকিয়া জীবাভ্যাকে ঐ সকল লক্ষণাত্মক রূপে বুঝিয়া থাকি। কিন্তু শাস্ত্র জীবাভ্যার তদতীত একটি পারমাণ্বিক অবস্থা জ্ঞাপন করেন। সে অবস্থায় বিষয়-সম্বন্ধ থাকে না। তখন তাহাকে লক্ষ্য করা যায় এমন কোন লক্ষণ বা চিহ্ন এ সংসারে পাওয়া যায় না। স্কুল সূক্ষ্ম বিষয়ে প্রবৃত্ত অন্তঃকরণাদি তখন নিবৃত্ত হয়। এই সকল অন্তঃকরণাদি লক্ষণকে উপাধি কহে। জীবাভ্যা সংসারাবস্থায় তদভিমাত্রী। অতএব সে অবস্থায় তাঁহাকে সোপাধিক কহা যায়। আর, পারমাণ্বিক অবস্থায় তিনি তাদৃশাভিমানশূন্য। সে জন্য তদবস্থায় তাঁহার কোন নির্দেশ নাই। কেবল নিরূপাধিক বলিয়া উক্ত হন। ফলতঃ জীবাভ্যার সোপাধিত্ব বিগত হইয়া নিরূপাধিত্ব প্রকাশিত হইলেও তিনি স্বর-



প্রকাশরূপ নহেন। পরমাত্মাই স্বয়ংপ্রকাশ
ও স্বতঃসিদ্ধ। জীবাত্মা সেই পরজ্যো-
তিত প্রকাশিত, স্তত্রাং পরতঃসিদ্ধ।
পারমার্থিক অবস্থায় জীবাত্মা স্বয়ং উপাধি-
শূন্য বিধায় নিরুপাধিক পরমাত্মাকে দর্শন
করিবার অধিকারী হয়। দর্শনমাত্রে আপ-
নার ক্ষুদ্রত্ব বিসর্জন করিয়া সেই স্বয়ং-
পুণ্ডরীকস্থ মহান আত্মাকে আত্মারূপে
গ্রহণ করে। এ ক্ষেত্রে উভয় আত্মাই নিরু-
পাধিক বিধায় উভয়ের মধ্যে কোন উপাধি-
গত ব্যবধান থাকে না। কেবল তাদৃশ
পারমার্থিক দৃষ্টিতে ব্রহ্মবাদী “অহংব্রহ্ম”
ভাব লাভ করিতে পারেন। তন্ত্ৰিম দে
ভাবে কেহই অধিকারী নহেন। ইহাই
সিদ্ধান্ত। এই অবস্থাই অমৃত। কিন্তু
ইহা জীবাত্মার অত্যন্ত অভাবরূপ কোন
লয়ের অবস্থা নহে। ইহা কেবল মাত্র
জীবাত্মাভিমান-ত্যাগের এবং পরমাত্ম-
জ্ঞানোদয়ের অবস্থা। ইহাই মোক্ষ।

মাণ্ডুক্যোপনিষদে আছে

“সর্বং হ্যোতদ্ব্রহ্ম অয়মাত্মা ব্রহ্ম মোহয়মাত্মা চতু-
স্পাৎ”।

এই জগতের সমুদয় বস্তু ব্রহ্ম, এই
আত্মাই ব্রহ্ম, এই আত্মার চারি পাদ। এই
শ্রুতির এমত অভিপ্রায় নহে যে ব্রহ্ম স্বয়ং
এই জগৎ হইয়াছেন। ইহার মর্ম্ম এই যে
ব্রহ্মরূপ কারণের অভাবে জগতের অসম্ভাব
উপস্থিত হয়। অতএব সমুদয় জগতের
যাহা সার, যাহা প্রাণ, যাহা আত্মা, তাহা
তিনি। এস্থলে কার্যকারণের অভেদ লক্ষ-
ণায় সমুদয় জগৎ ব্রহ্মরূপে কথিত হই-
য়াছেন। স্বরূপতঃ নহে। কিন্তু জগৎরূপ
ব্যপদেশ দ্বারা যে ব্রহ্মোপদেশ তাহাতে
ব্রহ্ম তৃতীয় পুরুষ রূপে নির্দিষ্ট হন মাত্র।
কেবল আত্মারূপেই তিনি প্রত্যক্ষ। এই
কারণে এই শ্রুতিতে পশ্চাৎ কহিলেন “এই

আত্মাই ব্রহ্ম” কিন্তু এরূপ উক্তিও সন্দেহ-
শূন্য নহে। এজন্য আত্মার চারি পাদ ক-
ল্পমা পূর্বক সোপাধিক ও অপ্ৰত্যক্ষহেতু
তিন পাদকে তাগ করিয়াছেন। কেবল
অবশিষ্ট পাদ যাহা নিরুপাধিক এবং জীবা-
ত্মার প্রত্যক্ষ অন্তরাত্মা, তাহাকেই মোক্ষা-
ধিকারে বিজ্ঞের বলিয়াছেন। আত্মার সো-
পাধিক ও অপ্ৰত্যক্ষ যে পাদত্রয় তাহার নি-
র্দেশ এই। এই জগৎ এবং জীবের স্থল
সূক্ষ্মাদি দেহ এই সমস্ত উপাধি-শব্দের
বাচ্য। জগৎ ও দেহের তিন অবস্থা। বীজ
বা কারণাবস্থা, অঙ্কুর বা সূক্ষ্মাবস্থা, পরিণত
বা স্থূলাবস্থা। এই সর্বাবস্থাতে পরমাত্মা
উপস্থিত বা উপাধেয়। এই সমস্ত অবস্থা
তেই তিনি স্রষ্টা, পাতা, বিধাতা, পরিণত
স্বামি ও নিয়ন্তারূপে বর্তমান। জীবের
ঐ তিন অবস্থা। তাহাও উপাধিক। জাগ্র-
দবস্থায় স্থূলের প্রভাব, স্বপ্নাবস্থায় সূক্ষ্ম
শরীরের প্রভাব, এবং স্তবুপ্তিতে কারণদেহ
স্বরূপিনী অব্যক্ত প্রকৃতির প্রভাব। এই
প্রত্যেক অবস্থায় পরমাত্মা উপস্থিত ও
নিয়ন্তা। কিন্তু উহার কোন অবস্থাতেই
পরমাত্মা প্রত্যক্ষরূপে দৃষ্ট হয় না। এই
ত্রিবিধ-অবস্থাপন্ন সোপাধিক জগৎকে জী-
বের আত্মা বলা শাস্ত্রের অভিপ্রায় নহে
কিন্তু তাহার যে চতুর্থ-পাদ-স্বরূপ মোক্ষ
জনন নিরুপাধিক অংশ আমাদের আত্মার
স্বামি রূপে বা সাক্ষাৎ আত্মা রূপে
দেহের আত্মাতেই বিরাজিত, তিনিই ব্রহ্মজ্ঞানীর
আত্মা বলিয়া অভিহিত হন। তাহার সংসার-
জীবাত্মাতে দ্বৈত নাই। তাহার অর্থ
বুদ্ধি ও তৎসহকারী অন্তঃকরণাদি কোন
স্থূল, সূক্ষ্ম, কারণ শরীরাত্মমান রূপ কোন
উপাধি থাকে না। স্তত্রাং তাহার জীবাত্মা
নিরুপাধিক। তাহার যিনি প্রকাশ স্বরূপ
আত্মা তিনিও সৃষ্টি সংসারের অতীত রূপে

নিরুপাধিক। অতএব ব্রহ্মজ্ঞানীর জীবাত্মা নরীকর মৌপাধিক অহংজ্ঞানের অভাবে, অথচ স্বীয়পরতঃসিদ্ধতা হেতু নিরুপাধিক অহংব্রহ্মজ্ঞানে সিদ্ধ হয়। কিন্তু অল্পক্ষয়রূপ জীবাত্মা যে বাস্তবিক ব্রহ্ম অথবা মোক্ষাবস্থায় ব্রহ্ম হইয়া যায় শাস্ত্রের সে অভিপ্রায় নহে।

মহর্ষি বেদব্যাচন ও স্বীয় ব্রহ্মমীমাংসায় শ্রুতির ঐ তাৎপর্যই গ্রহণ করিয়াছেন। তিনি “শাস্ত্রদৃষ্ট্যা তুপদেশে বামদেববৎ” ইত্যাদি সূত্রে যে বিচার করিয়াছেন তাহা হইতে অতি সুন্দর সিদ্ধান্ত লাভ হইতেছে। ব্রহ্মকে আপনার আত্মা হইতে দূরস্থ ও পৃথক্ জ্ঞান করিবে না। কিন্তু কোন ব্যক্তি যদি শাস্ত্রদৃষ্টিতে বামদেব ঋষির ন্যায় আপনাকেই ব্রহ্মরূপে বর্ণন করে, তাহাতে এমন মনে করা উচিত নহে যে, তদ্বারা তাহার স্বীয় সুদ্র জীবাত্মা ব্রহ্ম হইয়া গেল। কিন্তু ইহাই বুঝিতে হইবে যে তাহার আত্মা এক মাত্র ব্রহ্মজ্ঞানে আলোকিত হওয়ায় সে মুখ্য আত্মা স্বরূপ ব্রহ্মকেই আত্মারূপে দৃষ্টি করিয়াছে। এস্থলে মহাত্মা রামমোহন রায় “অহং ব্রহ্মাস্মি” প্রভৃতি ব্রহ্মাত্মভাব সম্বন্ধে কহিয়াছেন যে “ইত্যাদি বাক্যের অধিকারী সকলেই হয়েন, এ নিমিত্তে তাঁহাদিগে জগতের স্বতন্ত্র কারণ এবং উপাস্য করিয়া স্বীকার করা যায় না।” অর্থাৎ, পারনার্থিক ভাবে সকলেই অহং-ব্রহ্মবাদ অবলম্বন করিতে পারেন। কিন্তু তাই বলিয়া যে তাঁহারা জগৎকারণ ও উপাস্যরূপে গৃহীত হইবেন এমন নহে। এ সম্বন্ধে উক্ত মীমাংসায়” আশ্রয়িত্ব তুপদেশে প্রাহয়ন্তি চ” প্রভৃতি সূত্রে ব্যাস-দেব আরো সিদ্ধান্ত করিয়াছেন যে মোক্ষের নিমিত্তে ব্রহ্মজ্ঞ সাধু ব্রহ্মকেই আত্মারূপে গ্রহণ করিবে ও করাইবে। এবং উপাসনার

নিমিত্তে “মনোব্রহ্মতুপাসীত” প্রভৃতি শ্রুতি অনুসারে নিষ্কৃত মনাদিকেও উৎকৃষ্ট ব্রহ্মদৃষ্টিতে গ্রহণ করিবে। কিন্তু তাই বলিয়া মনাদি সাক্ষাৎ ব্রহ্ম হইল এমত নহে। কেবল উপাসনার নিমিত্তে তাহা উৎকৃষ্ট অধ্যাসমাত্র। অতএব আচার্য্যেরা কহিতেছেন যে

অহংব্রহ্মাস্মি, অহমাত্মাব্রহ্মত্বাদি মহাবাক্যঃ তত্ত্ববিদঃ আত্মত্বেন ব্রহ্ম গৃহ্যতি, তথা শশিষ্যান গ্রাহয়তি”।

“অহংব্রহ্মাস্মি” “অহমাত্মাব্রহ্ম” ইত্যাদি মহাবাক্য দ্বারা তত্ত্ববিৎ ব্যক্তি ব্রহ্মকেই আত্মারূপে গ্রহণ করিবেন এবং স্বীয় শিষ্যগণকেও গ্রহণ করাইবেন। কিন্তু

“নবত্বুপাত্মোপদেশাদিত্তিচেদখ্যানস্বয়ংকৃত্বমাহ-শ্মিন্।”

ব্রহ্মজ্ঞ বক্তা আপনাকে ও শিষ্যকে পরমাত্মারূপে উপদেশ করিলেই সে বক্তার আত্মা যে উপাস্য হয় এমত নহে। এই সকল বাক্যের দ্বারা স্থির হইল যে বেদান্ত শাস্ত্র পরমাত্মাকে স্বয়ংস্রকাশ ও প্রসিদ্ধ আত্মারূপে গ্রহণ করিয়াছেন, কিন্তু জীবাত্মাকে ব্রহ্ম বলেন নাই।

বৈদান্তিক আচার্য্যেরা “জীব-ব্রহ্ম” ও “জগদ্ব্রহ্ম” বাদকে যেরূপ তাৎপর্য্যে গ্রহণ করিয়াছেন তাহা অযুক্ত নহে। শ্রুতি-বাক্য সকল অতি সংক্ষিপ্ত। অনেক শ্রুতির অর্থ সুস্পষ্ট নহে। শ্রুতমাত্র তাহার এক প্রকার অর্থ বোধ হয়। কিন্তু লিঙ্গবটক দ্বারা বিচার করিলে তাহার প্রকৃত অর্থ জ্ঞাত হওয়া যায়। এস্থলে একটি লৌকিক দৃষ্টান্ত গ্রহণ করায় ক্ষতি নাই। যথা, “প্রদীপ”। এই শব্দটি উচ্চারণ মাত্রই একটি অর্থ বোধ হইবে। স্থূলতঃ তৈলাধার-পাত্রের সহিত প্রজ্জ্বলিত বর্তিকাকে “প্রদীপ” বলিয়া বুঝাইবে।

কিন্তু বাঁহার সংকালে যেমন নিষ্ঠা তিনি তৎকালে “প্রদীপ” শব্দে সেই অর্থ গ্রহণ করিতে পারেন। চিত্ত যদি আলোক-নিষ্ঠ থাকে, তবে প্রদীপ শব্দের আলোকই লক্ষ্য হইবে; আর যদি পাত্রনিষ্ঠ থাকে, তবে তাহার লক্ষ্য তৈলাধার হইবে। দেখ, এই একটি সামান্য শব্দ বাহা লইয়া আমরা প্রত্যহ ব্যবহার করি তাহার অর্থে এত গোল। “শব্দম্যাচিন্তশক্তিভাঃ” শব্দের অচিন্তশক্তি। তাহাতে, প্রতি শব্দই নানা অর্থে গৃহীত হইতে পারে। কিন্তু, প্রকরণগত লিঙ্গযটক দ্বারা বিচার পূর্বক ঋষি ও আচার্য্যগণ যে অর্থ অবধারণ করেন তাহাই উপাদেয়। কূট ও আভাস চৈতন্য, সর্ববৎখলিদং ব্রহ্ম, তত্ত্বমসি, অহংব্রহ্মাস্মি, প্রভৃতি বৈদান্তিক শব্দ সমূহের যথাক্রম অর্থ এই যে জীবব্রহ্ম, জগৎব্রহ্ম, তুমি ব্রহ্ম আমি ব্রহ্ম ইত্যাদি। ফলে যথাক্রম অর্থে শাস্ত্রের তাৎপর্য্য নহে। দ্বৈতবাদী আচার্য্যগণ অল্পয় ব্যতিরেক দ্বারা ঐ সমস্ত বাক্যেরই অর্থ দ্বৈত পক্ষে গ্রহণ করিয়াছেন। সুতরাং জগৎ ও জীব যে ব্রহ্ম নহে তাঁহারা তাহাই দর্শাইয়াছেন। অদ্বৈতবাদী আচার্য্যেরা ঐ সকল বাক্য দ্বারা কেবল একমাত্র অদ্বয় ব্রহ্মভাব গ্রহণ করিয়াছেন। যেমন আলোকনিষ্ঠ চিত্ত তৈলাধার পাত্রকে অবাধে ব্যতিরেক করে, সেইরূপ অদ্বৈতবাদী আচার্য্যেরা পরম বৈরাগ্য সহকারে জগৎ ও জীবাত্মারূপ দ্বৈতাবরণ ব্যতিরেক পূর্বক আপনাদের অদ্বয় ব্রহ্মনিষ্ঠার পরাকাষ্ঠা দেখাইয়াছেন। ঐ সকল দ্বৈতকে তাঁহারা পারমাণবিক দৃষ্টিতে ত্যাগ করিয়াছেন মাত্র, কিন্তু তৎসমূহকে ব্রহ্ম বলা তাঁহাদের উদ্দেশ্য নহে। জগৎ ও জীবাত্মারূপ দ্বৈত সেই অদ্বয় পরমাত্মার আলোকে প্রকাশিত। এই কা-

রণে তাঁহারা পরমাত্মাকে জ্বাতপ এবং উল্ল দ্বৈত সমূহকে ছায়া, পরমাত্মাকে সত্যরূপ এবং দ্বৈত জগৎ ও জীবকে মিথ্যা স্বরূপ কহিয়াছেন। একেবারে জ্বালীক কহেন নাই। কেন না মিথ্যা দুই প্রকার। এক প্রকার মিথ্যা অভাববাচক এবং দ্বিতীয় প্রকার মিথ্যা ভ্রমবাচক। বন্ধার পুত্র, শশশৃঙ্গ, আকাশকুম্ভম এ সকল অভাববাচক। তৎসমস্ত অস্তিত্বশূন্য প্রাকাল-মিথ্যা। জগৎকে এ প্রকার মিথ্যা বলা শাস্ত্রের অভিপ্রায় নহে। কিন্তু তাহাকে মায়িক বলাই উদ্দেশ্য। মায়িক অর্থাৎ অধ্যাস বা ভ্রম। এক বস্তুর অন্য বস্তুর জ্ঞানের নাম অধ্যাস। অর্থাৎ একটা বস্তু মূলে আছে, তাহা কি তাহা জানি না। সেই বস্তুকে অন্যরূপে দৃষ্ট হইতেছে। ইহাই ময়া। যেমন তেজে রজ্জুতে রজ্জুতে সর্পবোধ, শুক্ৰিতে রজ্জুতে সর্পবোধ, শুক্ৰিতে ইত্যাদি। এখানে তেজ রজ্জু, শুক্ৰ, শুক্ৰিতে প্রভৃতি বস্তুই জল, সর্প, ও রজ্জুতাদি ভ্রম জ্ঞানের আশ্রয়। তাহাই অন্য প্রকারে দৃষ্ট হয়। ভ্রমজ্ঞান বস্তুতন্ত্র শুক্ৰিতেই দৃষ্ট বস্তুতন্ত্র হইলে তেজ রজ্জু ও শুক্ৰিতেই দৃষ্ট হয়। ভ্রমজ্ঞান কর্তৃতন্ত্র। সুতরাং ভ্রম কর্তার অন্তঃকরণ হইতে তাদৃশ ভ্রম জন্মে। সেইরূপ এই জগৎ ও জীবাত্মারূপ এক প্রকার অনাদি ভ্রম। ব্রহ্মরূপ জীব বস্তুর আশ্রয়ে এবং কর্তৃ ভোক্তৃ স্বরূপ জীব গণের প্রকৃতিরূপ অনাদি-বাসনা-প্রভৃতি একমাত্র ময়া-বীজ-স্বরূপিণী ঐশী শক্তিকে জগদাদি রূপে দৃষ্ট হইতেছে। কেন না ইহাদের অস্তিত্ব কেবল ব্রহ্ম-শক্তিরই প্রভাব মাত্র। ইহার স্বয়ম্ভু, স্বয়ম্ভু-শক্তিরই প্রভাব মাত্র। ইহার স্বতঃসিদ্ধ নহে। ব্রহ্মের প্রকাশে ইহারা প্রকাশিত। ব্রহ্মশক্তিরই প্রভাব ও মূলবস্তু স্বরূপ শক্তিরই প্রভাব ও

ভাব এই সমুদয়। পারমার্থিক জ্ঞানে, ব্রহ্ম-নিষ্ঠা সহকারে, বিষয়তৃষ্ণাশূন্য হইয়া দেখিলে যুগপৎ তাহাদের মায়িকত্ব এবং ব্রহ্ম-শক্তির প্রত্যক্ষত্ব অনুভূত হয়। দ্রষ্টা-স্বরূপ জীবেরই ভ্রম হইয়া থাকে। ব্রহ্ম-জ্ঞান জন্মিলে জীবের সে ভ্রম থাকে না। কেন না তখন জীব জানিতে পারেন যে আমি দেহ নহি, প্রাণ নহি, মন নহি, বুদ্ধি নহি, আমি অনিত্যকর্তৃৎ ও ভোক্তৃত্ব বিশিষ্ট সংসারী জীবও নহি। এস্থলে প্রশ্ন এই তবে কি জীব ব্রহ্ম? যদি ব্রহ্ম হন তবে তাহার ঐ সকল ভ্রম হওয়া অসম্ভব। যদি নিজে মিথ্যা হন তবে তাঁহার সত্য বা মিথ্যা কোন জ্ঞানই হইতে পারে না। এস্থলে শাস্ত্রের নিগূঢ় সিদ্ধান্ত এই যে জীব ব্রহ্মও নহেন, মিথ্যাও নহেন এবং সাংসারিক উপাধের জীবত্বও তাঁহার স্বরূপ নহে। তিনি নিরূপাধি, বিশুদ্ধ, ও অসংসারী। একমাত্র ব্রহ্মজ্যোতিই তাঁহার প্রকাশক। কেবল এই শেষোক্ত কারণে তাঁহার স্বতঃ-সিদ্ধতা স্বীকৃত হয় না। বিশেষতঃ সাধারণ দৃষ্টিতে জীবাত্মাকে যে রূপ সাংসারিক বলিয়া বোধ হয় তাহা সত্য নহে। এ দিকে অসংসারী বিশুদ্ধ জীবাত্মাও ব্রহ্মা-শ্রিত। সেই বিশুদ্ধ জীবের অশুদ্ধ অবস্থাতে ভ্রম জন্মে। তাঁহার নির্মল অবস্থাতে আপনাকে এবং জগৎকে এক মাত্র ব্রহ্ম-শক্তির আবির্ভাব ও আশ্রিত রূপ বোধ হইয়া বৈত সত্ত্বের ব্রহ্মাত্ম্যতা লাভ হয়। সে অবস্থায় কেবল জ্ঞান দ্বারা বৈতের বিনাশ হয় মাত্র এবং নিখিল বৈতের আশ্রয় স্বরূপ একমাত্র ব্রহ্মের আশ্রয় সিদ্ধ হইয়া থাকে। ভ্রমজ্ঞানস্বরূপ বৈতাত্ম্য বিগত হয়।

এই মীমাংসা বৈদান্তিক আচার্য্যগণের কৃষ্টি ও আভাস চৈতন্যের বিচারেও স্ফূর্তি

পাইতেছে। জীবাত্মাতে তদীয় প্রকাশক রূপ কৃষ্টি পর ব্রহ্মের জ্যোতি আছে। সেই জ্যোতির নাম প্রতিবিশ্ব বা আভাস চৈতন্য। সেই আভাস চৈতন্য অভাবে জ্যোতিবিহীন চক্ষুর ন্যায় জীবাত্মা অন্ধ। এই বিচারে অবৈতবাদী আচার্য্যেরা উক্ত আভাসরূপী ব্রহ্মকেই আত্মারূপে বরণ করিয়াছেন। তাৎপর্য্য এই যে যিনি জীবাত্মার প্রকাশক প্রধানতঃ তিনিই আত্মা। তিনি ব্রহ্ম। একথায় মৌলিক জীবাত্মাকে ব্রহ্ম বলা হইল না। তাঁহাকে একেবারে মিথ্যাও বলা হয় নাই। কিন্তু উৎকৃষ্ট জ্যোতির সম্মুখে ক্ষুদ্র জ্যোতি যেমন ত্রিয়মান হয়, এই পারমার্থিক ভাবে, ব্রহ্মের রাজসিংহাসনের সম্মুখে জীবাত্মা অকিঞ্চনের ন্যায় স্তব্ধানন্দে বিগলিত হইয়া গেল। ইহাই মোক্ষাবস্থা।

বৈদান্তিক আচার্য্যেরা “সর্বং খলিদং ব্রহ্ম” বাক্যের যে তাৎপর্য্য ব্যাখ্যা করিয়াছেন তাহাতেও উক্ত মীমাংসা দীপ্যমান। এই মহাবাক্যের অর্থ সামান্যতঃ এই যে সমস্ত জগতই ব্রহ্ম। কিন্তু তাহার লক্ষ্যার্থ তাহা নহে। সদানন্দযোগীন্দ্র কহিয়াছেন—

“আভ্যাং মহাপ্রপঞ্চতরুপহিতচৈতন্যাভ্যাং তপ্তায়ঃ-
পিণ্ডবদবিবিক্তং সৎ অনূপহিতং চৈতনং “সর্বংখলিদং
ব্রহ্মেবেতি” মহাবাক্যস্য বাচ্যং ভবতি; বিবিক্তং সন্ন-
ক্ষ্যমপি ভবতি।”

সমুদয় জড় ও জীবসমম্বিত এই বিশ্বের নাম মহৎপ্রপঞ্চ। যেমন দন্ধ লৌহপিণ্ডের সর্বদিকে অগ্নি ওতপ্রোত এই বিশ্বে সেই রূপ ব্রহ্ম ওতপ্রোতভাবে পরিব্যাপ্ত আছেন। “অবোধহতি” (লৌহ পিণ্ড দহন করিতেছে) এই কথা বলিলে তাহার সূক্ষ্ম সূক্ষ্ম দুইটি তাৎপর্য্য গ্রহণ করা বাইতে পারে। তাহার একটি বাচ্যার্থ এবং অন্যটি লক্ষ্যার্থ। বাচ্যার্থ এই যে মায়িক যে লৌহপিণ্ড তাহাই কোন

পদার্থকে দহন করিতেছে। আর লক্ষ্যার্থ এই যে স্বরং লৌহপিণ্ডের কোন দাহিকা শক্তি নাই, স্তত্রাং তাহাতে ওতপ্রোতরূপে ব্যাপ্ত অথচ তাহা হইতে ভিন্ন যে অগ্নি তাহাই দহন করিতেছে। “অয়োদহতি” এই বাক্যের তাহাই লক্ষ্যার্থ। সেই রূপ “সর্বং খল্বিদং ব্রহ্ম” (ব্রহ্মই জগৎ) এই বাক্যটির বাচ্যার্থ ও লক্ষ্যার্থরূপ দুইটি সূক্ষ্ম তাৎপর্য আছে। তাহার বাচ্যার্থ এই যে এই জগতে ব্রহ্ম ওতপ্রোতভাবে প্রদিক্ট থাকায় সমস্ত জগতই ব্রহ্মরূপে গৃহীত হইতে পারে। কিন্তু তাহার লক্ষ্যার্থ অর্থাৎ প্রকৃতার্থ এই যে জগৎ কেবল হের উপাধি মাত্র। অনুৎকর্ষ হেতু সেই ভূতনাত্রোপাধিকে তিরস্কার করিতে হইবে। তিরস্কার করিলে তাহাতে সর্বতোভাবে উপহিত, অথচ তাহা হইতে দক্ষদারুণিঃসভ অনলের ন্যায় স্বতন্ত্র যে ব্রহ্ম অবশিষ্ট থাকেন তিনিই উপাদেয়। তিনিই লক্ষ্য এবং বেদ্য। অতএব “সর্বং খল্বিদং ব্রহ্ম” এই এই মহাবাক্যের লক্ষ্য সেই জগৎ হইতে ভিন্ন-স্বভাব-বিশিষ্ট ব্রহ্ম। নতুবা দেহকে আত্মবোধ করা যেমন স্থূল বুদ্ধির কার্য, দক্ষ লৌহপিণ্ড, বা দক্ষ দারুকে অগ্নিবোধ করা যেমন অবিগুহ্ব বোধ, জগৎকে ব্রহ্ম বোধ করা সেইরূপ স্থূল বুদ্ধির কার্য। জ্ঞানই সর্বপ্রকার প্রচলিত কুসংস্কারের বিনাশক। ব্রহ্মজ্ঞ ব্যক্তি জ্ঞানযোগে কেবল ভাবই গ্রহণ করিবেন। অসংস্কৃত-চিত্ত শ্রুত-কথাগ্রাহী ইতর লোকের ন্যায় তিনি শব্দের বাচ্যার্থ মাত্রে সন্তুষ্ট হইবেন না।

ক্রমশঃ

পাতঞ্জল দর্শন।

৪৬৪ সংখ্যক পত্রিকার ২২৫ পৃষ্ঠার পর।

ভাব। অহমেয়স্য তুলাজাতীয়েবহুর্ত্তোক্তির জাতিয়েভ্যোব্যারভঃ সম্বন্ধোদন্তদ্বিবদ্য সামান্য-ধারণপ্রধানা রুত্তিরচুমানঃ। মদা দেশান্তরপ্রাপ্তে গতিমচ্ছত্রতারকং চৈত্রবৎ। বিদ্যাস্তা প্রাপ্তে রগতিঃ।

অব্যভিচারি হেতু দ্বারা * অনুমেয় পদার্থের সামান্যংশে বা সামান্য রূপে † যে নিশ্চয়, তাহাকে অনুমান রুত্তি বা অনুমান প্রমাণ কহে ‡ ইহারও পূর্ববৎ অনন্তরভাগী কল (প্রমা) আছে, কল না থাকিলে উহা প্রমাণ হইবে না। অনুমান এইরূপ করিতে হয়। চন্দ্র ও তারা সকল গতিশীল; কেন না, ইহাদের এক দেশ পরিত্যাগ ও অন্য দেশ প্রাপ্তি দৃষ্ট হইতেছে। বাহাদেরই এক দেশ পরিত্যাগ পূর্বক অপর-দেশ-প্রাপ্তি হয় তাহারাই গতিশীল। যেমন চৈত্র কেন, কেবল চৈত্র (পুরুষ বিশেষের নাম) আদি চৈত্র মৈত্র দেবদত্ত যজ্ঞদত্ত সোমদত্ত ইহার তুগি ইনি উনি সকলই সকল মনুষ্যই ইহার

* অর্থাৎ হেতুভাস-দোষ-বিনির্গুক্ত হেতু দ্বারা হেতুভাস-দোষ পঞ্চবিধ। সব্যভিচার ১ বিস্কৃত্য প্রকরণসম ৩ সাধ্যসম ৪ কালাতীত ৫। পাঠকরণের বিশেষ রূপ জিজ্ঞাসা থাকে, গোতমদর্শনের ১ম অধ্যায়ের ২য় আঙ্কিকের “সব্যভিচার-বিরুদ্ধ-প্রকরণসম-সাধ্যসমা-তীতকালঃ হেতুভাসঃ” (৪৫) অট্টকান্তিকের “সব্যভিচারঃ” (৪৬) “সিদ্ধান্তমতুপেতা স নির্ণয়ার্থমপাদিস্ত বিকল্পঃ” (৪৭) “যস্মাৎ প্রকরণচিত্তা স নির্ণয়ার্থমপাদিস্ত প্রকরণসমঃ” (৪৮) সাধ্যাবিশিষ্টঃ সাধ্যান্তঃ সাধ্যসমঃ” (৪৯) “কালান্তর্যাপদিক্তেঃ কালাতীতঃ” (৫০) এই সকল বিশেষরূপে আলোচনা করিতে পারেন। ইহাতে মতভেদ নাই।

† বস্তুর দুটি অংশ সামান্য ও বিশেষ। বস্তুর সামান্য মনুষ্য সকল, এবং কোনো একটি মনুষ্য মনুষ্য-বস্তুর বিশেষাংশ। ইহা সাংখ্য যুক্তের মত নৈয়ায়িকগণ সামান্যকে জাতি এবং বিশেষকে ব্যক্তি বলেন। এখানে সাংখ্যযুক্তের মতেই পাঠকরণ আলোচনা করিবেন।

‡ অনুমান দ্বিবিধ স্বার্থানুমান ও পরার্থানুমান। পরার্থানুমানে পঞ্চাবয়ব বাক্য প্রয়োগ করিতে হয় যে সকল বিস্তার এখন থাক।

দৃষ্টান্ত। কেবল মনুম্যই কেন, পশু পক্ষী গো মহিষ প্রভৃতিও ইহার দৃষ্টান্ত। এ সকলের দেখ, একদেশ পরিত্যাগ ও অপরদেশ-প্রাপ্তি আছে, এবং ইহারা গতিশীলও বটে। অতএব প্রকৃতে চন্দ্র ও তারাগণও যে গতিশীল তাহাতে আর কিছু মাত্র সন্দেহ রহিল না। এইরূপে হেতুর বিপরীতে সাধের বিপরীতও অনুমিত হইবে। অর্থাৎ বাহাদের একদেশ পরিত্যাগ ও অপরদেশ-প্রাপ্তি নাই তাহারা গতিশীল নহে। যেমন বিক্ষাগিরি। কেবল বিক্ষাগিরিই কেন, বিক্ষাগিরি, শৈলগিরি, হিমালয়গিরি, প্রভৃতি সকল গিরিই ইহার দৃষ্টান্ত।

ভাষ্য। আগুস্তন দৃষ্টোহুহুমিতোবার্থঃ পরত্র স্ব-বোধ-সংক্রান্তরে শব্দেনোপদিশাতে। শব্দা তদর্থ বিয়মা রুতিঃ শ্রোতুব্যগমঃ। যস্যশ্রদ্ধেয়ার্থো বক্তা ন সূতীহুমিতার্থঃ স আগমঃ প্লবতে। মূলবক্তরি তু সূতীহুমিতার্থে নির্কিল্লিবঃ সাঃ ॥ ৭ ॥

আপ্ত পুরুষ, প্রত্যক্ষ বা অনুমান দ্বারা যে বিষয় যেরূপ অবগত হন, তিনি পরকে অবগত করিবার জন্য যদি সেইরূপ সেই বিষয়টি শব্দ দ্বারা ব্যক্ত করেন তবে শ্রোতাগণের সম্বন্ধে সেই আপ্ত পুরুষের বাক্য আগম প্রমাণ। ইহারও ফল আছে। শব্দবোধই ইহার ফল (প্রমা)। প্রমার করণ প্রমাণ। এই জন্যই 'আগম' প্রমাণ।

'আপ্তি' ধর্ম বাহাতে থাকে, সেই আপ্ত পুরুষ। ইহার তত্ত্বজ্ঞান, কারুণ্য ও ইন্দ্রিয়-নিগ্রহ আছে, তাহাতেই এই আপ্ত-ধর্ম থাকে। সুতরাং তিনিই আপ্ত পুরুষ। ব্রহ্মা, মনু, বেদব্যাস, সনক, সনন্দন, সনাতন, সনৎকুমার, বশিষ্ঠ, বাস্তুবল্লা, অত্রি, অঙ্গিরা প্রভৃতি মহর্ষিরা এই আপ্ত পুরুষের অন্ত-গত। পক্ষে, যে ব্যক্তি অশ্রদ্ধের অর্থের বক্তা বাহার প্রতিপাদিত বিষয় সকল দৃষ্টও নহে অনুমিতও নহে, নিতান্ত অসম্ভব আনন্দিক, অথচ তত্ত্বজ্ঞানও নাই কারুণ্যও

নাই, ইন্দ্রিয়নিগ্রহও নাই, সে অনাপ্ত। অনাপ্তের আগম (উপদেশ) আগমাভাস, অর্থাৎ অপ্রাহ্য। অতএব ব্রহ্মাদি, বা মহাদি মূলশাস্ত্রকার বক্তাগণের প্রতি কিছু মাত্র সন্দেহ থাকিল না। ফলতঃ তাহারা বাহা কিছু দেখিয়াছেন বা অনুমান করিয়াছেন সেই মাত্রই করুণা করিয়া লোক-গণকে উপদেশ দিয়াছেন। তাহাদের বাক্য নিঃসন্দেহ প্রমাণ ॥ ৭

বুদ্ধির প্রমাণাদি পক্ষ বৃত্তির অন্তর্গত প্রথম-নির্দিষ্ট প্রমাণ বৃত্তি নিরূপিত হইল। এক্ষণে তৎপর-নির্দিষ্ট বিপর্যয়-বৃত্তি নিরূপিত হইতেছে।

যুঃ। বিপর্যয়োমিথ্যাজ্ঞানমতক্রপপ্রতিষ্ঠম্ ॥ ৮

বিপর্যয় মিথ্যাজ্ঞানকে কহে। এক বস্তুকে আর এক বস্তুর ভ্রম, ও মিথ্যাজ্ঞান, একই কথা।

ভাষ্য। স কন্মান প্রমাণঃ? যতঃ প্রমাণেন বাধ্যতে। ভূতার্থবিষয়ত্বাৎ প্রমাণস্য। তত্র প্রমাণেন বাধনমপ্রমাণস্য দৃষ্টং। তদ্ যথা—দ্বিচন্দ্রদর্শনং। সদ্ বিষয়েন একচন্দ্রদর্শনেন বাধ্যতে ইতি।

এই বিপর্যয়-বৃত্তি প্রমাণ না অপ্ৰমাণ? অপ্ৰমাণ। কেন? যেহেতু ইহার প্রমাণ দ্বারা নিবৃত্তি হয়। পক্ষে ইন্দ্রিয়-প্রাহ্য বিষয়, যথার্থ হওয়াই প্রমাণের প্রামাণ্য। সুতরাং যে, প্রমাণে টেকে না, সেই-ই অপ্ৰমাণ। অপ্ৰমাণ বিপর্যয়-বৃত্তির প্রমাণ দ্বারা কোথায় নিবৃত্তি হয়? তাহার কোনো উদাহরণ আছে? আছে। দ্বিচন্দ্র দর্শনই তাহার উদাহরণ। দেখ, এখানে প্রমাণ এক চন্দ্র দর্শন দ্বারা অপ্ৰমাণ বিপর্যয় জ্ঞানের নিবৃত্তি হইতেছে।

ভাষ্য। সেয়ং পক্ষপর্কী ভবতাবিদ্যা। অবিদ্যা স্মিতারাগদেবাতিনিবেশাঃ ক্লেশাইতি। এত এব স্ব সংজ্ঞাভিস্তমোমোহোমহামোহস্তামিস্রাক্তামিস্র ইতি। এতে চিত্তমলপ্রসঙ্গেচাভিধাস্যন্তে ॥ ৮ ॥

এই অবিদ্যার (বিপর্যয় জ্ঞানের) পাঁচটি

পাব আছে। অবিদ্যা ১ অস্মিতা ২ রাগ ৩ হ্রদয়
৪ ও অভিনিবেশ ৫ নামে তাহারা প্রসিদ্ধ।
অবিদ্যার এই পাঁচটি পাবই ক্লেশস্বরূপ।
সাংখ্য বুদ্ধেরা অবিদ্যাকে তম অস্মিতাকে
মোহ রাগকে মহামোহ হ্রদয়কে তামিশ্র
এবং অভিনিবেশকে অন্ধতামিশ্র বলিয়া ব্যব-
হার করিয়া থাকেন। এই পঞ্চ ক্লেশের
বিশেষ রূপে নিরূপণ, চিত্তমলের নিরূপণ
সময়ে, করিব ইচ্ছা রহিল। এক্ষণে ক্রম-
প্রাপ্ত তৃতীয় বিকল্পবৃত্তি নিরূপিত হই-
তেছে।

মৃঃ। শব্দজ্ঞানাত্মপাতী বস্তুশূন্যো বিকল্পঃ ॥২

বি+বিশেষ রূপে, কল্প+অধারোপ।

ইত্যর্থ জ্ঞানিয়া শুনিয়াও যে আরোপ জ্ঞান
তাহাকে বিকল্প বৃত্তি বা বিকল্প জ্ঞান কহে।
এইটি 'বিকল্প' এই শব্দ-লভ্য অর্থ। সমুদয়
নূত্রের অর্থ এইরূপ। যে বস্তুর জ্ঞান হই-
তেছে সেটি অলীক, অথচ তাহার জ্ঞানও
সত্যবৎ ও ব্যবহারও সত্যবৎ, ঐদৃশ অলীক-
বস্তু-বিষয়ক যে চিত্তবৃত্তি (জ্ঞান) তাহাকে
বিকল্প জ্ঞান কহে।

ভাষ্য। স ন প্রমাণোপারোহী, ন বিপর্যায়ো-
পারোহী। বস্তুশূন্যেহপি শব্দজ্ঞানমাহাত্ম্যানিব-
ন্ধনোব্যবহারোদৃশ্যতে। তদ্ বথা চৈতন্যং পুরুষস্য
স্বরূপমিতি। যদা চিত্তিরেব পুরুষস্তদা কিমত্র
কেন ব্যপদিশ্যতে? ভবতি চ ব্যপদেশে বৃত্তিঃ—
যথা চৈত্রস্য গৌরিতি। যথা প্রতিবিদ্ধবস্তুধর্ম্মা
নিক্টিয়ঃ পুরুষঃ। তিষ্ঠতি বাণঃ স্থান্যতি স্থিতইতি।
গতিনিবৃত্তৌ ধাত্বর্ধমাত্রং গম্যতে। তথা অহুৎপত্তি-
ধর্ম্মা পুরুষ ইতি। উৎপত্তিধর্ম্মস্য অভাবমাত্রমব-
গম্যতে ন পুরুষায়সী ধর্ম্মঃ। তস্মাদ্ বিকল্পিতঃ
স ধর্ম্মঃ। তেন চান্তি ব্যবহার ইতি ॥২॥

এই বিকল্প জ্ঞানকে প্রমাণও বলিতে
পারি না, আবার অপ্রমাণও বলিতে পারি
না। অর্থাৎ ইহা প্রমাণ বৃত্তির মধ্যেও
অস্তুভূত হইতে পারে না এবং অপ্রমাণ
বৃত্তির (বিপর্যায় বৃত্তির) মধ্যেও অস্তুভূত
হইতে পারে না। ইহা প্রমাণ অপ্রমাণ

হইতে স্বতন্ত্র, তৃতীয়, অর্থাৎ স্বনামেই
প্রসিদ্ধ। বদ্বস্তুবিষয়ক জ্ঞান হইতেছে
সেটি ইহার অলীক স্বতরাং প্রমাণ আর
কিরূপে বলি? পক্ষে অলীককে অলীক
রূপে জানিয়া শুনিয়াও সত্যবৎ জ্ঞানও
সত্যবৎ ব্যবহার হইতেছে স্বতরাং অপ্র-
মাণই বা (বিপর্যায় জ্ঞান) কিরূপে বলি?
অতএব ইহা প্রমাজ্ঞানও নহে, অপ্রমাজ্ঞানও
নহে, কিন্তু স্বতন্ত্র একথা কেবল মুখে বলিলে
হইবে না, উদাহরণ চাই? উদাহরণ দেখ,
জগতে ইহার উদাহরণের অসম্ভাব নাই,
অনেক আছে। অনেক আছে কি, 'অসংখ্য
আছে' বলিলেও বলা যায়। সম্প্রতি কতি
পর প্রদর্শন করি।

১ চৈতন্য পুরুষের স্বরূপ।

২ পুরুষ প্রতিবিদ্ধ-বস্তুধর্ম্মা।

৩ পুরুষ নিক্টিয়।

৪ বাণ থামিতেছে, থামিবে, থামিয়াছে।

৫ পুরুষ অহুৎপত্তিধর্ম্মা।

১। চৈতন্য (পুরুষ) ও চৈতন্য

যখন এক বস্তু তখন এই এক বস্তুতে

ধর্ম্মি-ভাব কল্পনা কিরূপে হইবে? পক্ষে

ভিন্ন বস্তুদ্বয়েইত ধর্ম্মি-ধর্ম্মি-ভাব কল্পনা হয়

ইহা প্রসিদ্ধই আছে, যেমন "চৈত্রের গৌরু

দেখ, এখানে চৈত্র ব্যক্তি ও গৌরু

বস্তু দ্বয়, এই জন্যই ইহাদের পরস্পর

স্বামিভাব কল্পনা হইতেছে। এই রূপে

"পৃথিবী গুরুবতী" এই একটি উদাহরণ।

থানেও দেখ, পৃথিবী ও গুরু দুটি ভিন্ন বস্তু

এই জন্যই ইহাদের ধর্ম্মধর্ম্মি ভাব

কল্পনা

কল্পিত হয়। স্বস্বামিভাব, জ্ঞান-জনক

কাব্য-কারণ ভাব ইত্যাদি অনেক প্রকার

সকলকে সম্বন্ধ কহে। ব্যাকরণের নিয়মাত্মক

সকল সম্বন্ধে শব্দের উক্তর যক্ষী বিভক্তি

বাঙ্গালায় যক্ষী বিভক্তি "র" অক্ষর।

হইতেছে। ফলতঃ 'ধর্মধর্মিত্যভাব,' 'স্বামিভাব,' 'জন্যজনকভাব' প্রভৃতি সম্বন্ধ-কল্পনা যে ভিন্ন-বস্তু-দ্বয়েই হইয়া থাকে অতিনি এক বস্তুতে হয় না এতদ্বিষয়ে জগতে এরূপ অনেক উদাহরণ আছে, তাহা আর কত দেখাইব। এই অতিনি এক বস্তু যে চেতন ও চৈতন্য, ইহার কেন এরূপ ধর্ম-ধর্মিত্যভাব কল্পনা হয়? বাহ্য দ্বারা লোকের 'চেতনের চৈতন্য' এরূপ ভেদ ভাবে জ্ঞান ও সেই জ্ঞানমূলক ঐ রূপ (চেতনের চৈতন্য) বস্তু বিভক্ত্যন্ত বিশেষণ প্রয়োগ হইতেছে, ইহার কারণ কি? ইহার কারণ এই বিকল্প জ্ঞান। জগতে মানবগণের যেমন প্রমাণ জ্ঞান ও ভ্রম জ্ঞান আছে তদ্রূপ একটী স্বতন্ত্র বিকল্প জ্ঞানও আছে। সেই বিকল্প জ্ঞান জন্যই এরূপ ব্যবহার হইতেছে।

২। পুরুষ, প্রতিষন্ধ-বস্তু-ধর্ম। ইহার অর্থ, বস্তুধর্মীভাববিশিষ্ট পুরুষ। এইরূপ অর্থেই এরূপ প্রয়োগ হইতেছে। অর্থাৎ যে কেবলান্বয়ী, স্বলক্ষণ-পরিণাম মাত্র * তবে পুরুষে উহা কি রূপে বিশেষণ হইবে? কেবলান্বয়ী অভাব যদি পুরুষ পদার্থ হইতে অতিরিক্ত হইত তবে ত উহা বিশেষণ হইতে পারে? এই বিকল্প জ্ঞানই অতিরিক্ত করিয়া দিল। সুতরাং বিশেষণ হওয়া আর অসম্ভব নহে।

৩। পুরুষ নিষ্ক্রিয়। এ উদাহরণটিও পূর্ববৎ। ক্রিয়াভাব ও পুরুষ একই

* নৈমায়িকগণের ন্যায় সাংখ্যদর্শনগণ অভাবকে স্বতন্ত্র পদার্থ স্বীকার করেন না। ইহারা অভাবকে অধিকরণ স্বরূপ বলেন 'ঘটের অভাব গটে' বলিতে বস্তুভাব পটভূমিরূপ। 'ঘটের অভাব এই ভূমিতে' এই বলিতে ঘটভাব এই ভূমি স্বরূপ। কেবল তত্ত্বের অধিকরণ স্বরূপ বলিলেও চলিবে না। তত্ত্বের অধিকরণের স্বলক্ষণপরিণাম স্বরূপ পর্যন্ত বলিতে হইবে। পরিণামের ত্রৈবিধ্য যখন নিরূপিত হইবে তখন স্বলক্ষণ পরিণাম স্পষ্টরূপে বুঝিবেন। এখন আর বিস্তারিত কাক নাই।

পদার্থ তথাপি বিকল্প জ্ঞান নিবন্ধন পুরুষে ক্রিয়াভাব বিশেষণ হইয়া পুরুষ ক্রিয়াভাব-বিশিষ্ট এইরূপ ঐ উদাহরণের অর্থ হইল।

৪। বাণ খামিতেছে, খামিবে, খামি-য়াছে। এখানেও দেখ, 'খাম' ধাতুর † প্রকৃত অর্থ খামা মাত্র কিন্তু 'ইতেছে' 'ইবে' ও 'ইয়াছে' এই তিনটি প্রত্যয়ের যে ত্রিবিধ কালের বোধার্থ যোগ ও সেই যোগমূলক যে এক খামা তিন হইল ইহার কারণ কি? এক বস্তুকে যে দুই বস্তু জ্ঞান করে সেই বিকল্প জ্ঞানই এখানে এক খামাকে তিন খামা করিল। ফলতঃ ধাতুর কল্পনা প্রত্যয়ের কল্পনা বর্তমানাদি কালের কল্পনা এ সমস্তই এই বিকল্প জ্ঞানের কার্য।

৫। পুরুষ অহুৎপত্তিধর্ম। এই উদাহরণটি দ্বিতীয় ও তৃতীয় উদাহরণের ন্যায় বুঝিবে। তথাপি কিঞ্চিৎ পরিষ্কার করিয়া দেই। "পুরুষ অহুৎপত্তিধর্ম" বলিতে পুরুষে উৎপত্তি-ধর্ম সকলের ‡ অভাব এই মাত্র বোধ হওয়া উচিত কিন্তু লোকগণের তাহা কৈ হইতেছে? লোক সকল "অহুৎপত্তি-ধর্ম † একটি অসাধারণ ধর্ম স্বীকার করিয়া উহা পুরুষে বিশেষণ করিয়া দিতেছে ‡ ইহার কারণ কি? ইহার কারণ বিকল্প

† সংস্কৃত ভাষায় 'ভিষ্ঠতি' 'স্থ্যামতি' 'স্থত' এই তিনটি প্রয়োগের মূল ধাতু 'স্থ'। ভাষ্যকার 'স্থ' ধাতুরই উল্লেখ করিয়াছেন। আমি বাঙ্গলা ভাষায় লিখিতে ও বুঝাইতে ব্রতী, সুতরাং বাঙ্গলা ভাষায় 'খামিতেছে' 'খামিবে' 'খামিয়াছে' এই তিনটি প্রয়োগের মূল ধাতু 'খাম' বই আর কি বলিব?

* উৎপন্ন পদার্থের পরিস্পন্দাদি ধর্ম সকলকে উৎপত্তি ধর্ম কহে।

† উৎপত্তি-ধর্ম সকলের যে অভাব, তাহারই নাম 'অহুৎপত্তি-ধর্ম'।

‡ অথচ ইহা সকলেই জানেন,—অভাব, বস্তুর কেবলীভাব অর্থাৎ তত্ত্বাধিকরণের সদৃশ পরিণাম মাত্র। এরূপ জানিয়া শুনিয়াও ঐ অভাব স্বরূপ অহুৎপত্তি-ধর্মকে পুরুষের বিশেষণ করিতে ছাড়িতেছে না। ইহাই আশ্চর্য্য! বিকল্প জ্ঞান! তোমার অসাধ্য নাই!!

জ্ঞান। বিকল্প জ্ঞান নিবন্ধনই পুরুষে এই
রূপ বিকল্পিত ধর্ম আরোপিত হইতেছে (০)
স্বতরাং এরূপ ব্যবহারও হইতেছে § ৯৯।

এক্ষণে বুদ্ধিবৃত্তির চতুর্থ অবয়ব বা চতুর্থ
শাখা নিদ্রাবৃত্তির লক্ষণ সংক্ষেপে নিরূপিত
হইবে।

ক্রমশঃ।

বাল্মীকি ভাষা ও বাল্মীকি

সাহিত্য।

তৃতীয় প্রস্তাব।

(পূর্ব প্রকাশিতের পর।)

১। চৈতন্য মঙ্গল

বা চৈতন্য ভাগবত।

২। চৈতন্য চরিতামৃত।

বৃন্দাবনদাস-প্রণীত গ্রন্থ অধুনা “চৈ-
তন্য ভাগবত” নামে পরিচিত, কিন্তু পূর্বে
এই গ্রন্থ চৈতন্য-মঙ্গল নামে আখ্যাত হই-
য়াছিল। কৃষ্ণদাস কবিরাজ প্রধানত বৃন্দা-
বনদাসের গ্রন্থ অবলম্বন করিয়া চৈতন্য-
চরিতামৃত রচনা করেন তিনি বারংবার
ইহা স্বীকার করিয়াছেন, কিন্তু একবারও
বৃন্দাবনদাস-প্রণীত গ্রন্থকে “চৈতন্য ভাগ-
বত” বলেন নাই। অধিকন্তু তিনি স্পষ্ট
ভাবে লিখিয়াছেন—

“কৃষ্ণলীলা ভাগবতে কহে বেদব্যাস।

চৈতন্য চরিতে ব্যাস বৃন্দাবন দাস ॥

বৃন্দাবন দাস কৈল “চৈতন্য মঙ্গল”

যাহার শ্রবণে নাশে সর্ব অমঙ্গল ॥”

(চৈ, চ, আদিখণ্ড, অষ্টম পরিচ্ছেদ।)

(০) অর্থাৎ ষাঁহাতে স্মৃষ্ট পদার্থের ধর্ম কিছুই
নাই, তাঁহাতে জানিয়া শুনিয়াও “কিছুই নাই” এই-
টিই আবার ধর্ম (বিশেষণ) করিয়া দিলাম। হাঃ
কুমস্কার!

§ আমি বিচারাংশ সকল পরিত্যাগ করিয়া অতি
সংক্ষেপে স্থূল স্থূল সারাংশ সকল বলিলাম।

“বৃন্দাবন দাস নারায়ণীর নন্দন।

“চৈতন্যমঙ্গল” বিহঁ করিলা রচন।

ভাগবতে কৃষ্ণলীলা বর্ণিলা বেদব্যাস।

“চৈতন্য মঙ্গলে” ব্যাস বৃন্দাবন দাস ॥”

(চৈ, চ, আদিখণ্ড একাদশ পরিচ্ছেদ)

“বৃন্দাবন দাস ইহা “চৈতন্যমঙ্গলে”।

বিস্তারি বর্ণিয়াছে চৈতন্য কৃপাবলে ॥”

(চৈ, চ, আদি খণ্ড, সপ্তদশ পরিচ্ছেদ)

বৃন্দাবনদাস স্বয়ং তাঁহার গ্রন্থকে কি
আখ্যা দান করিয়াছিলেন ইহা বলা নিতান্ত
কঠিন নহে। তাঁহার গ্রন্থের কোনও কোনও
স্থানে “চৈতন্যচরিত” শব্দের পরিবর্তে
“চৈতন্যমঙ্গল” শব্দের প্রয়োগ দেখা
যায়—

“তবে ছুই প্রভু স্থির হই একস্থানে।

বসিলেন চৈতন্য মঙ্গল সঙ্কীর্ণনে ॥”

(অন্ত্য খণ্ড, ষষ্ঠ অধ্যায়।)

“তথাপি অরৈত বাক্য অলঙ্ঘ্য সভার।

গাইতে লাগিল শ্রী চৈতন্য অবতার ॥

নাচেন অরৈত সিংহ আনন্দে বিহ্বল।

চতুর্দিকে গায় সবে চৈতন্য মঙ্গল ॥”

(অন্ত্য খণ্ড সপ্তম অধ্যায় পাঠে)

অধিকন্তু চৈতন্যচরিতামৃত

জ্ঞাত হওয়া যায়—কৃষ্ণদাস কবিরাজ

বনদাসের অনুমতি লইয়া নিজগ্রন্থ

করিয়াছিলেন—

“চৈতন্য লীলার ব্যাস দাস বৃন্দাবন।

তাঁর আজ্ঞায় করি তাঁর উচ্ছিন্ন চর্কণ ॥”

(চৈ, চ, মধ্যম খণ্ড, প্রথম পরিচ্ছেদ)

এই অবস্থায় কৃষ্ণদাস কবিরাজ বৃন্দাবন

দাস-রচিত গ্রন্থের যে নাম লিখিয়াছেন

তাহাই বৃন্দাবন দাসের অনুমোদিত

স্বীকার করিতে হইবে।

ন্যায়রত্ন মহাশয় লিখিয়াছেন, মুক্তি

পুস্তকের, আদি খণ্ডের শেষ ভাগে

শ্রী চৈতন্য ভাগবতে আদি খণ্ড

এই মাত্র উল্লেখ আছে। কিন্তু আমর

মুদ্রিত পুস্তক প্রাপ্ত হইয়াছি তাহার আদি
খণ্ডের শেষ ভাগে (১০০ পৃষ্ঠায়) “ইতি
আদি খণ্ড ও গয়াভূমিগমনং পঞ্চদশো-
হধ্যায় সংপূর্ণ।” লিখিত আছে। অতএব
বোধ হয় বৃন্দাবন দাস স্বয়ং কখনই তাহার
গ্রন্থকে “চৈতন্য ভাগবত” লিখিয়া যান
নাই। মুদ্রাস্থানকালে বৈষ্ণবগণ চৈতন্য
মঙ্গলকে “চৈতন্য ভাগবত” আখ্যা দান
করিয়াছে।

কুমারহট্টনিবাসী শ্রীনিবাস বা শ্রীবাস
পণ্ডিত চৈতন্যের একজন প্রিয় শিষ্য ও
সহচর ছিলেন। উক্ত পণ্ডিতের ভ্রাতৃ-
হিতা নারায়ণীর গর্ভে বৃন্দাবন দাস জন্মগ্রহণ
করেন। কিন্তু ন্যায়রত্ন মহাশয় ভ্রমক্রমে
নারায়ণীকে শ্রীনিবাসের ছুহিতা লিখিয়া-
ছেন। বৃন্দাবন দাস স্বয়ং লিখিয়া গিয়া-
ছেন—

* * * * *
“শ্রীবাসের ভ্রাতৃসুতা নাম নারায়ণী।”

(মধ্য খণ্ড, দ্বিতীয় অধ্যায়।)

যে সময়ে চৈতন্য শ্রীনিবাসের গৃহে
বাস করেন, সেই সময়ে নারায়ণী চার
বৎসরের বালিকা মাত্র। বালিকা নারায়ণী
চৈতন্যের প্রসাদ ভোজন করিয়া কৃষ্ণপ্রেমে
মুগ্ধ হইয়াছিল। চৈতন্য তাঁহাকে অত্যন্ত
ভাল বাসিতেন। সেই কৃষ্ণপ্রেমমুগ্ধ
বালিকার গর্ভে দ্বিতীয় “অগ্নি শর্ম্মা” রূপ
বৃন্দাবন দাস জন্ম গ্রহণ করেন। বৈষ্ণবগণ
বৃন্দাবন দাসকে ব্যাসদেবের অবতার লিখি-
য়াছেন। প্রকৃত পক্ষে চৈতন্যঅনুচরদি-
গের কাণ্ডকীর্তন দর্শনে বোধ হয় তাঁহার
ভাগ্যভাগীতে এক একটি বিশিষ্ট লোক
হওয়ার চেষ্টা করিয়াছেন।

বৃন্দাবন দাস বোধ হয় চৈতন্যের জীব-
ভাবস্থায় জন্ম গ্রহণ করেন। কিন্তু তাঁহার
তিরোধানান্তে “চৈতন্যমঙ্গল” গ্রন্থ রচনা

করিয়াছিলেন। চৈতন্যমঙ্গল সম্ভবত শকা-
ব্দের পঞ্চদশ শতাব্দীর শেষার্ধ্বে ভাগে রচিত
হইয়াছিল।

ন্যায়রত্ন মহাশয় বৃন্দাবন দাসের “পা-
ণ্ডিত্য” ও “কবিত্বের” কিঞ্চিৎ প্রশংসা
করিয়াছেন। আমাদের বিবেচনায় বৃন্দাবন
দাস এক জন পণ্ডিত কিন্তু সুকবি নহেন।
তাঁহার কাব্য নীরস।

চৈতন্যমঙ্গল-রচনার অল্প কাল পরেই
কৃষ্ণদাস কবিরাজ চৈতন্য-চরিতামৃত রচনা
করেন। এই গ্রন্থ শকাব্দের পঞ্চদশ শতা-
ব্দীর অন্তে কিম্বা ষোড়শ শতাব্দীর প্রারম্ভে
রচিত হইয়াছিল। কৃষ্ণদাস বৈদ্যজাতীয়।
বর্দ্ধমানের অন্তর্গত কাটোয়ার নিকটবর্তী
বামাতপুরে তাঁহার জন্ম হয়। তিনি নিজ
গ্রন্থের আদি খণ্ডের পঞ্চম পরিচ্ছেদে যে
রূপ বর্ণনা করিয়াছেন, তদ্বারা অনুমিত হয়,
তিনি বলরামের অবতার নিত্যানন্দের
আদেশ প্রাপ্ত হইয়া বৃন্দাবন যাত্রা করেন।
চৈতন্যের শিষ্য ও সহচর খ্যাতনামা রূপ,
সনাতন ও রঘুনাথ দাস গোস্বামীর পদাশ্রয় ও
শিষ্যত্ব গ্রহণ করিয়া কৃষ্ণদাস কবিরাজ বৃন্দা-
বনে বাস করিয়াছিলেন। বৃন্দাবনে অব-
স্থানকালে তিনি নিজ গ্রন্থ রচনা করিয়া-
ছিলেন। কৃষ্ণদাস কবিরাজ চৈতন্য-চরিতা-
মৃতে বারংবার বলিয়াছেন, কৃষ্ণাবতারে ব্যাস
যে রূপ ভগবানের চরিত্র কীর্তন করিয়াছেন,
সেইরূপ চৈতন্যাবতারে ব্যাসের অবতার
বৃন্দাবন দাস “চৈতন্যমঙ্গল” গ্রন্থ রচনা
করিয়াছেন। বৃন্দাবন দাস যে সকল বিষয়
সংক্ষেপে বর্ণন করিয়াছেন তাহার বিস্তৃত
বর্ণনাই কৃষ্ণদাসের প্রধান উদ্দেশ্য।

কৃষ্ণদাস কবিরাজ সুকবি ও পণ্ডিত।
তাঁহার কাব্য অপেক্ষাকৃত প্রাজ্ঞল। ন্যায়রত্ন
মহাশয় বলেন “চরিতামৃতে ভাষা বিশেষ
সুশ্রাব্য বা সুন্দর নহে।” চৈতন্যমঙ্গল ও

চৈতন্যচরিতামৃতের ভাষা সেকালে অর্থাৎ কতক বিশুদ্ধ সংস্কৃত, কতক প্রাকৃত কতক নিতান্ত অপভ্রংশ গ্রাম্য শব্দ ও ক্রিয়াপদের ব্যবহার দেখা যায়, তথাপি চৈতন্য-চরিতামৃত চৈতন্যমঙ্গল অপেক্ষা প্রাঞ্জল। কিন্তু চরিতামৃতে ভাষা একটুকু বাঁকা, কুম্ভদাস কবিরাজ চরিতামৃতে বিবিধ সংস্কৃত গ্রন্থ হইতে ভূরি ভূরি বচন উদ্ধৃত ও প্রমাণস্থলে প্রয়োগ করিয়া বিশুদ্ধ পাণ্ডিত্য প্রকাশ করিয়াছেন। কিন্তু চৈতন্যের অবতারত্ব প্রমাণ করিবার জন্য তিনি যে সকল বচন কোশল সহকারে সংগ্রহে সন্নিবেশিত করিয়াছেন শুৎপাঠে আমরা হাস্য সন্মরণ করিতে পারি না। সংস্কৃত বচনের এত বাহুল্য না হইলে গ্রন্থ অপেক্ষাকৃত সুপাঠ্য হইত।

উভয় গ্রন্থই আদি, মধ্য ও অন্ত্য তিন খণ্ডে বিভক্ত। চৈতন্যমঙ্গল আদি খণ্ডে ১৫, মধ্য খণ্ডে ২৬, ও শেষ খণ্ডে ৮টি অধ্যায়। চৈতন্য চরিতামৃতে আদি খণ্ডে ১৭, মধ্য খণ্ডে ২৫ ও অন্ত্য খণ্ডে ২০টি পরিচ্ছেদ।

উভয় গ্রন্থই চৈতন্যের জীবন-চরিত-মূলক। কিন্তু ছুর্ভাগ্যবশতঃ গ্রন্থকারদ্বয়ের গোঁড়ামি নিবন্ধন অসাধারণ ঈশ্বর-প্রেমিক চৈতন্যের চরিত্রেও কিঞ্চিৎ কলঙ্ক নিষ্কিপ্ত হইয়াছে। তাঁহারা কথায় কথায় চৈতন্যকেও অগ্নিশর্মা রূপে পাঠকদিগের নিকট উপস্থিত করিয়াছেন। আমরা চৈতন্যের বাল-স্বভাবের কথা বলিতেছি না। যে সময়ে তিনি ঈশ্বরের প্রেমে উন্মত্ত হইয়াছেন, দয়াময় পরমেশ্বরের দয়া ও ক্ষমার প্রতিবিম্ব তাঁহার হৃদয়ে পূর্ণভাবে পতিত হইয়াছে সে সময়েও আমরা কখন কখন তাঁহার উগ্রচণ্ড রূপ দর্শন করিয়া আন্তরিক বেদনা অনুভব করিয়া থাকি। বাহ্য হউক এই দুই গ্রন্থ অবলম্বনে এক্ষণে আ-

মরা চৈতন্যের সংক্ষিপ্ত জীবন-চরিত পাঠকদিগকে উপহার অর্পণ করিতেছি।

চৈতন্য।

বঙ্গেশ্বর আদিশুরের ন্যায় জয়ন্তীয়াপতি আদিত্য সত্যনিকু আঘাতবর্ধ হইতে একদল বৈদিক ব্রাহ্মণ আনয়ন করেন। সেই ব্রাহ্মণগণের সম্মান সন্ততিগণ “শ্রীহট্টের বৈদিক” নামে খ্যাত। সেই বৈদিককুলজাত— “শ্রীহট্ট নিবাসী শ্রীউপেন্দ্র মিশ্র নাম। বৈষ্ণব পণ্ডিত ধনী সঙ্গুণ প্রধান ॥ সপ্ত মিশ্র তার পুত্র সপ্ত খাষীশ্বর ॥ কংসারি পরমানন্দ পদ্মনাভ সর্বেশ্বর ॥ জগন্নাথ জনার্দন ত্রৈলোক্য নাথ ॥ নদীরাতে গঙ্গাবাস কৈল জগন্নাথ ॥”

(টেক, চ, আদিখণ্ড, ১৩ পরিচ্ছেদ।)

জগন্নাথ মিশ্র বিদ্যাভাস জন্য নবদ্বীপে বাস করিতেছিলেন। তথায় নীলাশ্বর চক্রবর্তীর(১) ছুহিতা শচীর সহিত তাহার পরিদর্শন কার্য সম্পাদিত হইয়াছিল। শচীর গর্ভে ক্রমে ক্রমে জগন্নাথের ৮টি কন্যা জন্মিত। শৈশবেই কালকবলিত হয়। তৎপরে তাঁহাদের একটী পুত্র জন্মে। সেই শিশুর নাম বিশ্বরূপ রাখা হইয়াছিল। বিশ্বরূপের জন্মের পর শচী পুনর্ববার অন্তঃসত্ত্বা হইলেন। “হৈতে হৈতে হৈল গর্ভ ত্রয়োদশ মাস ॥ তথাপি ভূমিষ্ঠ নহে মিশ্রের হল ত্রাস ॥ নীলাশ্বর চক্রবর্তী কহিল গণিয়া ॥ এই মাসে পুত্র হবে শুভক্ষণ পাঞা ॥ চৌদ্দশত সাত শকে মাস ফাল্গুন ॥ পৌর্ণমাসীর সন্ধ্যাকাল হৈল শুভক্ষণ ॥

(১) পশ্চাৎ প্রদর্শিত হইবে যে নীলাশ্বর চক্রবর্তী ও শ্রীহট্ট নিবাসী। আধুনিক লেখকগণ চক্রবর্তীকে “নবদ্বীপ নিবাসী” লিখিয়া চৈতন্যের উপর বঙ্গের আংশিক স্বত্বাবধারণ করিতে ইচ্ছুক। আমরা আশ্চর্য্যের সহিত আদিচরিত পাঠ করিয়া শ্রীহট্টবাসীদের প্রতি তাহাদের সম্বন্ধে পারি না। চৈতন্যের উপর তাহাদের সম্বন্ধ রহিয়াছে।

সিংহরাশি সিংহলয় উচ্চ গ্রহগণ ।
 ষড়বর্গ অষ্টবর্গ সর্ব শুলভকণ ॥
 অকলঙ্ক গৌরচন্দ্রে দিগা দরশন ।
 সকলক চন্দ্রে আর কোন্ প্রয়োজন ॥
 এত জানি চন্দ্রের রাত্ত করিলা গ্রহণ ।

* * * * *

(চৈ, চ, আদিখণ্ড, ১৩ পরিচ্ছেদ।)

এতদ্বারা উপপাদিত হয় যে মিশ্রের
 দ্বিতীয় পুত্র ত্রয়োদশ মাস মাতৃগর্ভে বাস
 করত ১৪০৭ শকাব্দের ফাল্গুনী পূর্ণিমার সন্ধ্যা-
 কালে ভূমিষ্ঠ হইয়াছিলেন। তাঁহার জন্ম-
 কালে পৃথিবীর ছায়া চন্দ্রোপরি পতিত
 হইয়াছিল। প্রতিবেশিনীরা সেই বালকের
 নিমাই আখ্যা দান করেন। কিন্তু নামকরণ
 কালে তাঁহার নাম বিশ্বস্তুর হইয়াছিল।

যে সময়ে নিমাই বাঙ্গালায় জন্মগ্রহণ
 করেন প্রায় সেই সময়ে পঞ্জাবে ও ইয়ো-
 রোপে আরও দুইটি বালক ভূমিষ্ঠ হয়।
 উত্তর কালে এই তিনটি শিশুর জীবন এক
 প্রোতে প্রবাহিত হইয়াছিল। বোধ হয়
 বলিয়া দিতে হইবে না যে পঞ্জাব-দেশ-জাত
 বালক নানক ও ইউরোপ-জাত বালক
 লুথার।

নিমাইকে তাঁহার অনুচরগণ কখন বা
 পূর্ণ ত্রয়োদশ ও কখন বা ত্রয়োদশ-
 কালের অবতার লিখিয়াছেন এবং তজ্জন্য
 তাঁহার জন্মের অগ্রপশ্চাতে ভূরি ভূরি
 অলৌকিক ঘটনা বর্ণন করিয়াছেন। আ-
 মরা সে সমস্ত অমূলক কথার উল্লেখ করিয়া
 প্রবন্ধের কলেবর বৃদ্ধি করা নিস্প্রয়োজন
 বিনেচনা করি।

শৈশবাবস্থায় নিমাই অত্যন্ত ছরস্ত
 ছিলেন। তিনি প্রতিবেশীদের গৃহে প্র-
 বেশ পূর্বক খাদ্য দ্রব্য অপহরণ করিতেন।
 এ জন্য জনক জননী কর্তৃক তিরস্কৃত হইলে
 নিজ গৃহের দ্রব্যাদি অপচয় ও যুৎপাত্র

সকল চূর্ণ করিতেন। স্ত্রীলোকেরা ইষ্ট
 দেবতার পূজার জন্য নৈবেদ্যাদি লইয়া
 গঙ্গাতীরে গমন করিলে নিমাই তাহা বল-
 পূর্বক গ্রহণ ও ভোজন করিতেন। গোঁড়া
 চরিতাখ্যায়কগণ এই সকল কুকার্যকেও
 বাল্মীকি বাল্মীকি বাল্মীকি বাল্মীকি
 করিয়াছেন। চরিতামৃতকার এক স্থানে
 চৈতন্যের মুখে “গঙ্গা ভূর্গা দাসী যোর
 মহেশ কিঙ্কর।” এই পদটি বলাইয়া যে
 কত আনন্দ অনুভব করিয়াছেন তাহার ই-
 যত্তা নাই। চৈতন্য জ্ঞান লাভ করিয়া
 কখনও এবস্ত্রকার কিছু বলেন নাই
 বাল্যকালে অজ্ঞানাবস্থায় ইহা বলিয়া থাকি-
 লেও সেই কথার উল্লেখ করিয়া গৌরব করা
 নিতান্ত অজ্ঞানের কার্য। শান্তগণ ভূর্গাকে
 ব্রহ্মরূপিণী ও আদ্যাশক্তি এবং শৈবগণ
 শিবকে দেবদেব ও মহেশ্বর বলিয়া লিখিয়া
 গিয়াছেন। যে ভাবেই হউক এই সকল
 সম্প্রদায় একমাত্র ঈশ্বরেরই উপাসনা করিয়া
 থাকে। এরূপ অবস্থায় এক সম্প্রদায় অন্য
 সম্প্রদায়ের ইষ্ট দেবতাকে দাস দাসী বলিয়া
 যে বর্ণনা করে ইহা নিতান্ত অন্যায় কার্য।
 চৈতন্য-সহচরদিগের গোঁড়ামি ও ঘৃণিত
 কার্যগুলি নিতান্ত লজ্জাজনক। (১)

(১) জটনৈক চৈতন্যসহচর “পাণ্ডিত্যের” নিকট
 একদা আমরা যাহা শ্রবণ করিয়াছি, পাঠকগণ তাহা
 শ্রবণ করুন * * * গোস্বামী আহার করিলে
 পর তাহার স্ত্রী স্বীয় পুত্রকে বলিলেন যাও বাবা
 তোমার পিতার প্রসাদ গ্রহণ কর, তৎপরে আমি
 ভোজন করিব, পুত্র বলিলেন না মা আপনি অগ্রে
 প্রসাদ গ্রহণ করুন আমি তৎপরে আপনার প্রসাদ
 গ্রহণ করিব। মাতা বলিলেন বাবা সে কি হইতে
 পারে, তুমি প্রভুবংশজ গোস্বামীসন্তান আমি
 শান্ত বামনের মেয়ে, আমি কি তোমাকে প্রসাদ
 দিতে পারি। পাঠকগণ ইহা লেখকের কল্পিত
 গল্প মনে করিবেন না, আমরা স্বকর্ণে জটনৈক
 বৈষ্ণব-নাম-ধারী অবৈষ্ণবের মুখে এই ঘৃণিত গল্প
 শ্রবণ করিয়াছি। ন্যায়রত্ন মহাশয় “নিবীহস্বভাব
 বৈষ্ণবদিগের” পক্ষ সমর্থন করিয়া ২৪টি কথা বলিয়া-
 ছেন (৫৫৫৬ পৃষ্ঠা)। বৈষ্ণব সম্প্রদায়ের দ্বারা যে

নিমাই গঙ্গাদাস পণ্ডিতের নিকট ব্যাকরণ পাঠ করিতে আরম্ভ করেন। এই সময় তাঁহার অগ্রজ বিশ্বরূপ গৃহ পরিত্যাগ পূর্বক সন্ন্যাস-পশ্চ অবলম্বন করিয়া নিরুদ্ধেশ হন। এই আকস্মিক ঘটনা দ্বারা চৈতন্যের চরিত্র পরিবর্তিত হইয়াছিল। তিনি বুঝিতে পারিয়াছিলেন বর্তমান অবস্থায় তিনি বৃদ্ধ জনক জননীর এক মাত্র অবলম্বন ও আশ্রয়। তাঁহার চঞ্চল স্বভাব বিদূরিত হইল, তিনি মনোযোগ পূর্বক বিদ্যাভ্যাস করিতে লাগিলেন।

“যে অবপি বিশ্বরূপ হইলা বাহির।
তদবপি প্রভু চিত্তে হইয়া স্থস্থির ॥
নিরবধি থাকে পিতামাতার সমীপে।
ছুখ পানরায় স্থখে জননী জনকে ॥
খেলা মম্বরিয়া প্রভু বত্ত করি পড়ে।
তিলার্কেক পুস্তক ছাড়িয়া নাহি নড়ে ॥”
(চৈ, ম, আদিখণ্ড, ৬ অধ্যায়।)

বিদ্যাভ্যাসকালে নিমাইএর অসাধারণ বীশক্তি দর্শনে, অধ্যাপক ও তাঁহার সহাধ্যায়ীগণ বিস্ময়াবিষ্ট হইয়াছিলেন।

“একবার যে সূত্র পড়িয়া প্রভু যায়।
আর বার উলটিয়া সভারে ঠৈকায় ॥
দেখিয়া অপূর্ব বুদ্ধি সবেই প্রশংসে।”
* * * * *
(চৈ, ম, আদিখণ্ড ৬ অধ্যায়।)

“যত ব্যাখ্যা গঙ্গাদাস পণ্ডিত করেন।
সকল শুনিলে মাত্র ঠাকুর ধরেন ॥
গুরুর সকল ব্যাখ্যা করেন খণ্ডন।
পুনর্ব্বার সেই ব্যাখ্যা করেন স্থাপন ॥
সহস্র সহস্র শিষ্য পড়ে যত জন।
হেন কার শক্তি নাহি করয়ে দূষণ ॥

বাল্যভাব্য বিলম্বন উন্নতি হইয়াছে, তাহা আমরা স্বীকার করিতেছি কিন্তু তাহাদের গৌড়ামি নিতান্ত যুগ ও লজ্জাজনক।

দেখিয়া অদ্ভুত বুদ্ধি গুরু হরষিত।
সর্ব্বশিষ্য শ্রেষ্ঠ করি করিল পূজিত।”
চৈ, ম, আদি খণ্ড ৭ অধ্যায়।

গঙ্গাদাস পণ্ডিতের নিকট ব্যাকরণ সমাপ্ত করিয়া নিমাই বাসুদেব সার্বভৌমের নিকট সাহিত্য অলঙ্কারাদি অধ্যয়ন করেন। বাসুদেবের ছাত্রগণমধ্যে চৈতন্য, রঘুনাথ ও রঘুনন্দনই সর্ব্বশ্রেষ্ঠ। অল্প বয়সেই নিমাই সংস্কৃত শাস্ত্রে পারদর্শী হইলেন এবং অধ্যাপনা আরম্ভ করিলেন।

যৌবনের প্রারম্ভে নিমাই বল্লভাচার্যের কন্যা লক্ষ্মীর বিমল প্রণয়ে মুগ্ধ হন। যেরূপ সুন্দরী নিমাইও সেইরূপ সুন্দর, সুপুরুষ ছিলেন। সুতরাং লক্ষ্মীও তাঁহার ন্যায় প্রেমাতুরাগিনী হইয়া পড়েন। তাঁহাদের বিবাহ হইবার পূর্বে গোপনে প্রকৃত বিবাহ হইয়া গিয়াছিল।

“এক দিন বল্লভাচার্য কন্যা লক্ষ্মী নাম।
দেবতা পূজিতে আইল করি গঙ্গামান ॥
তারে দেখি প্রভু হৈল সান্তিলাষ মন।
লক্ষ্মী চিত্তে স্থখ পাইল প্রভুর দর্শন ॥
সাহজিক প্রীত ছুহার করিল উদয়।
বাল্যভাবে ছন্নতনু হইল নিশ্চয় ॥
দুঁহা দেখি ছুঁহার চিত্তে হইল উল্লাস।
দেবপূজা ছলে কৈল ছুহে পরকাশ ॥
প্রভু কহে আমা পূজ আমি মহেশ্বর।
আমারে পূজিলে পাবে অভীষিত বর ॥
লক্ষ্মীতার অঙ্গে দিলা পুষ্পচন্দন।
মল্লিকার মালা দিয়া করিল বন্দন ॥
প্রভু তার পূজা পাঞা হাসিতে লাগিল।
শ্লোক পড়ি তার ভাব অঙ্গিকার কৈল ॥”
(চৈ, ১, আদিখণ্ড ১৪ পরিচ্ছেদ।)

এই সময় জগন্নাথ মিশ্র পরলোক গমন করিলে নিমাই শাস্ত্রানুসারে তাঁহার শ্রেষ্ঠ কার্য সম্পাদন করেন। তৎপরে বনমালী ঘটক নিমাই ও লক্ষ্মীর প্রণয়-স্বভাষ

গত হইয়া বিবাহের প্রস্তাব করিলেন।
পত্নী প্রথমত এই বিবাহে অনমত ছিলেন,
কিন্তু পশ্চাৎ পুত্রের মনোভাব জ্ঞাত হইয়া
অচিরে বন্ধন-সুহিতার সহিত নিমাইএর
পরিণয়-কার্য সম্পাদন করিলেন।

অল্পকাল মধ্যে নিমাই একজন প্রধান
পণ্ডিত বলিয়া খ্যাত হইলেন। বাল্মীকীর
ভিন্ন ভিন্ন প্রদেশ হইতে বহুসংখ্যক ছাত্র
অধ্যয়ন জন্য তাঁহার নিকট উপস্থিত হইতে
লাগিল। চৈতন্য-চরিতাখ্যায়করণ দিখিয়া-
ছেন এই সময়ে নিমাই জনৈক দ্বিধিজয়ী
পণ্ডিতকে জয় করিয়া অসাধারণ বশোভা
করিয়াছিলেন।

এই সকল ঘটনার পর নিমাই পিতৃ-
ভূমি সন্দর্শনার্থ শ্রীহট্ট প্রদেশে গমন করেন।
বৃন্দাবনদাস ও কৃষ্ণদাস কবিরাজ শ্রীহট্টের
পরিবর্তে “বঙ্গদেশ” লিখিয়াছেন। বোধ
হয় তাঁহাদের লিখিত “বঙ্গ” প্রকৃত “বঙ্গ”
হইতে বিস্তৃত। আমরা দেশ-প্রচলিত
প্রবাদ ও চৈতন্যের উত্তর কালের কার্য দ্বারা
“বঙ্গ গমন” কে “শ্রীহট্ট গমন” অবধারণ
করিলাম। নবদ্বীপনিবাসী হইলেও “নিমাই”
এর প্রতি বাসোক্তি পূর্বক “ছিলটীয়া”
বা “ছিলটী” শব্দ প্রয়োগ করা যাইতে
পারে। বৃন্দাবনদাস চৈতন্যমঙ্গলে লিখি-
য়াছেন নিমাই শ্রীহট্টের কদর্য ভাষার উল্লেখ
করিয়া শ্রীহট্টবাসীদেরকে বিজ্ঞপ করিলে
তাঁহারা তাঁহাকে এইরূপ বলিয়াছিলেন—

* * * * *
ভূমি কোন দেশী তাহা কহত নিশ্চয় ॥

পিতা মাতা আদি করি যতক তোমার। (৩)
বল দেখি শ্রীহট্টে জন্ম না হয় কাহার ॥

(৩) এতদ্বারা অঙ্গীভূত হইতেছে নীলাধর চক্র-
বর্তীর শ্রীহট্টবাসী ছিলেন। বোধ হয় জগন্নাথ ও
পত্নীর পরিণয় কার্য দ্বারা নীলাধর চক্রবর্তীর নবদ্বীপে
আনিবার সূত্রপাত হয়।

আপনি হইয়া শ্রীহট্টীয়ার তনয়।

তবে ঢোল কর কারে অনো জুখে পায় ॥”

নিমাই কিছুকাল শ্রীহট্টে বাস করিয়া-
ছিলেন। এই সময়ে পতিবিরহকাতরা লক্ষ্মী
সর্প-দংশনে মানব-নীলা সম্বরণ করেন।

নিমাই শ্রীহট্ট হইতে প্রত্যাবর্তন করিয়া
পতিপ্রাণা পত্নীর মৃত্যু-সম্বাদ অবগত হই-
লেন। তিনি প্রথমত পত্নী-বিয়োগ শোকে
নিতান্ত কাতর হইয়াছিলেন। এই শোক
হইতেই তাঁহার হৃদয়ে সংসার-বৈরাগ্য ও
বৈরাগ্য হইতে ঈশ্বর-প্রেমের সূত্রপাত হয়।

“প্রিয়ার বিরহ জুখ করিয়া স্বীকার।

স্তুক হই রহিলেন সর্বদেবসার ॥

লোকানুকরণ জুখ ক্রণেক করিয়া।

কহিতা লাগিলা কিছু ধৈর্য চিত্ত হৈয়া ॥

“কস্য কে পতিপুত্রাদ্যা মোহএবহি কেবলং ॥”

বৃদ্ধা জননীর অনুরোধে নিমাইকে পুন-
র্বার দারপরিগ্রহ করিতে হইয়াছিল।
এবার তিনি “পণ্ডিতরাজ” সনাতনের
কন্যা বিষ্ণুপ্রিয়াকে বিবাহ করিলেন। তা-
হার অস্ত্বেবাসী ধনবান যুবক বুদ্ধিমন্ত এই
বিবাহের ব্যয় নির্বাহ করিয়াছিলেন। এই
বিবাহে নিমাইএর সম্পূর্ণ ইচ্ছা ছিল বলিয়া
বোধ হয় না, কারণ লক্ষ্মীর বিয়োগে তাঁ-
হার হৃদয়ে যে বৈরাগ্য উপস্থিত হয়, দিন
দিন সেই বৈরাগ্য বর্দ্ধিত হইয়া তাঁহার
মনকে এক অদ্ভুত ও পুণ্যময় পথে প্রধা-
বিত করিবার সূত্রপাত করিল। সেই বৈরাগ্য-
পূর্ণ হৃদয়ে তিনি ভক্তি-রত্নাকর শ্রীমদ্ভাগবতে
নিমজ্জিত হইলেন। বিষ্ণুপ্রিয়া পূর্বপত্নী
লক্ষ্মীর অভাব পূর্ণ করিতে পারিলেন না,
দাম্পত্য প্রেমের পরিবর্তে তাঁহার হৃদয়ে
জগতের সারভূত পবিত্র ঈশ্বর-প্রেমের
প্রতিবিশ্ব পতিত হইল।

সেই বৈরাগ্যপূর্ণ হৃদয়ে তিনি প্রেম-
ময়া পূর্বপত্নীর প্রেতকৃত্য সম্পাদন

জন্য গয়াক্ষেত্রে গমন করেন। সেই-
স্থানে ঈশ্বর পুরীর সহিত তাঁহার সাক্ষ্যাৎ
হয়। পুরী এক জন পণ্ডিত ও ঈশ্বর-প্রে-
মিক প্রকৃত বৈষ্ণব। ঈশ্বর পুরী সর্বদা
নিমাইকে বৈষ্ণব ধর্ম সন্দ্বন্ধে উপদেশ প্র-
দান করিতেন। তাঁহার সেই উপদেশে
নিমাই এর বৈরাগ্যপূর্ণ হৃদয়ের অন্তস্তল অ-
বধি বিদ্ধ হইল। তিনি পুরীর নিকট বৈষ্ণব
ধর্মে দীক্ষিত হইলেন। (৪)

লক্ষ্মীর মৃত্যু হইতে নিমাই এর হৃদয়ে
যে অনল প্রচ্ছন্ন ভাবে জ্বলিতেছিল ঈশ্বর
পুরীর উপদেশরূপ-স্নাত্ত্বিত প্রাপ্ত হইয়া
তাহা স্ফূটন জ্যোতি ধারণ পূর্বক প্রজ্ব-
লিত হইয়া উঠিল। নিমাই ঈশ্বর-প্রেমে
উন্মত্ত হইলেন।

“প্রভু বলে গয়া করিবারে আইলাম।
সার্থক হইল ঈশ্বর পুরী দেখিলাম ॥
আর দিন নিভুতে ঈশ্বর পুরী স্থানে।
মন্ত্র দীক্ষা চাহিলেন মধুর বচনে ॥
পুরী বলে মন্ত্র বা বলিয়া কোন্ কথা।
প্রাণ আমি দিতে পারি তোমারে সর্বথা ॥
তবে তার স্থান শিক্ষাগুরু নারায়ণ।
করিলেন দশাক্ষর মন্ত্রের গ্রহণ ॥
তবে প্রভু প্রদক্ষিণ করিয়া পুরীরে।
প্রভু বলে দেহ আমি দিলাম তোমারে ॥
হেন শুভ দৃষ্টি তুমি করহ আমারে।
যেন আমি ভাসি কৃষ্ণপ্রেমের সাগরে ॥
শুনিয়া প্রভুর বাক্য শ্রীঈশ্বর পুরী।
প্রভুরে দিলেন আলিঙ্গন ঘঞ্চে ধরি ॥
দৌহার নয়ন জলে দৌহার শরীর।
সিঞ্চিত হইল প্রেমে কিছু নহে স্থির ॥

(৪) বোধ হয় চৈতন্যের গুরু কুমারহট্টনিবাসী
ঈশ্বরপুরী একজন কায়স্থ জাতীয়।

“বলেন ঈশ্বরপুরী আমি শূঁড়াধম।”

(চৈতন্যমঙ্গল, আদিখণ্ড, নবম অধ্যায়।)

“প্রভু বলে কুমারহট্টেরে নমস্কার।

শ্রীঈশ্বরপুরীর যে প্রেমে অবতার ॥”

(চৈতন্যমঙ্গল, আদিখণ্ড, ১৫ অধ্যায়।)

* * * * *
* * * * *
ধ্যানানন্দে মহাপ্রভু প্রেম প্রকাশিরা।
কান্দিতে লাগিলা অতি উচ্চঃ করিরা ॥
কৃষ্ণেরে বাপরে প্রাণ জীবন ক্রীহরি।
কোন্ দিগে গেল মোর প্রাণ করি চুরি ॥
পাইকু ঈশ্বর মোর কোন্ দিকে গেলা।
শ্লোক পড়ি পড়ি প্রভু কান্দিতে লাগিলা ॥
প্রেম ভক্তি রসে মগ্ন হইলা ঈশ্বর।
সকল শ্রী অঙ্গ হৈল ধূলায় ধূষর ॥
আর্তনাদ করি প্রভু ডাকে উচ্চৈঃস্বরে।
ভাদিলেন নিজ ভক্তি বিরহ সাগরে ॥
যে প্রভু আছিল অতি পরম গভীর।
সে প্রভু হইলা প্রেমে আপনে অস্থির ॥
কোথা গেল বাপ কৃষ্ণ ছাড়িয়া আমারে।
গড়াগড়ি বায়েন কান্দেন উচ্চৈঃস্বরে ॥
(চৈ ম আদি খণ্ড, ১৫ অধ্যায়।)
ক্রমশঃ

তত্ত্ব-কৌমুদী ও আদি ব্রাহ্ম- সমাজ।

গত ১৬ই ফাল্গুনের তত্ত্ব-কৌমুদীতে
আদি ব্রাহ্মসমাজের নিন্দাবাদপূর্ণ এক
ক্ষুদ্র প্রস্তাব প্রকাশিত হইয়াছে। ঐ প্রস্তা-
বের প্রারম্ভেই লিখিত হইয়াছে। “পণ্ডিত
শিবনাথ শাস্ত্রী তাঁহার প্রণীত “নববিধান ও
সাধারণ ব্রাহ্মসমাজ” নামক নব প্রকাশিত
পুস্তিকায় লিখিয়াছেন যে অতি অশুভ ক্ষণে
মহর্ষি দেবেন্দ্রনাথ ঠাকুর তাঁহার ক্ষমতার
পরিচালন দ্বারা সমাজের উন্নতি ও স্বাধীন
চিন্তার স্রোত প্রতিরুদ্ধ করেন, এবং সেই
হইতেই সমাজের সভ্যবতার পথ রুদ্ধ হই-
য়াছে এবং অপোগতির পথ প্রসারিত
রাছে। এই স্থল পাঠ করিলে ভাষ্যের নিম্ন-
মাত্মসারে শ্রীযুক্ত প্রধান আচার্য্য মহাশয়
সাধারণ ব্রাহ্মসমাজের উন্নতি রোধ করিয়া

ছেন এমত বুঝায়। সম্পাদক মহাশয়ের
ইহাই কি বলিবার অভিপ্রায়?

আমরা আমাদের সাধারণ ব্রাহ্মসমাজের
বন্ধুদিগকে জিজ্ঞাসা করিয়াছিলাম, কোন
অপৌত্তলিক ক্রিয়া না করিয়া উপবীত গ্রহণ
করিলে ধর্মের কি হানি হইতে পারে? এ
বিষয়ে তত্ত্ব-কৌমুদী যুক্তি না দেখাইয়া কে-
বল গালির আশ্রয় লইয়াছেন।

তত্ত্ব-কৌমুদী লিখিয়াছেন যে উপবীতের
বিভীষিকায় অনেক সাধারণ ব্রাহ্ম আদি
ব্রাহ্মসমাজের দ্বারদেশে পদার্পণ করিতে
ইচ্ছা করেন না। অত্যন্ত বিরুদ্ধমতাবলম্বী
ব্যক্তিদিগের উপাসনালয় সম্বন্ধেও এরূপ
ভাষা প্রয়োগ করা উচিত হয় না, যেহেতু
যে কোন মতাবলম্বীর উপাসনালয় হউক না
কেন ঈশ্বরোপাসনার স্থান বলিয়া তাহা একটি
পবিত্র স্থান মনে হয় এবং তাহার ভিতর
প্রবেশ করিবার কালে প্রকৃত ব্রাহ্মের মনে
একটি পবিত্র ভাবের উদয় হয়। তিনি
পৃথিবীস্থ কোন উপাসনালয়ের প্রতি এরূপ
ঘৃণা প্রকাশ করেন না। বিশেষতঃ যে
আদি ব্রাহ্মসমাজ সম্বন্ধে তত্ত্বকৌমুদী উল্লি-
খিত প্রস্তাবে লিখিয়াছেন যে তাহার ধর্ম-
মতের সহিত তাঁহাদিগের বা শিক্ষিতদিগের
কোন বিরোধ নাই সেই আদি ব্রাহ্মসমাজের
নাম্বন্ধে এরূপ ভাষা কত দূর প্রয়োগযোগ্য
তাঁহা পাঠকবর্গ অনারাসে বিবেচনা করিতে
পারেন। সাম্প্রদায়িক অনৈর্দার্য্য ও আধ্যা-
ত্মিক গর্বি ইহা অপেক্ষা আর কত দূর যা-
ইতে পারে? আদি ব্রাহ্মসমাজ ভারতবর্ষীয়
সকল ব্রাহ্মসমাজের পিতা স্বরূপ। আদি
ব্রাহ্মসমাজ না থাকিলে সাধারণ ব্রাহ্মসমা-
জের কোথা হইতে উৎপত্তি হইত? পিতার
প্রতি কি এরূপ ভাষা প্রয়োগ করিতে হয়?
তিনি কৃতজ্ঞতা চাহেন না, কেবল মাত্র
একটু বিনয় চাহেন। তত্ত্বকৌমুদী উক্ত

সংখ্যার কোন স্থলে বলিয়াছেন যে গত
সাম্বৎসরিক উৎসব হইতে তাঁহারা এই
বিশেষ ফল লাভ করিয়াছেন যে তাঁহাদিগের
বিনয় শিক্ষা হইয়াছে। ইহার প্রমাণ হাতে
হাতেই পাওয়া গেল!!

যশোলিপ্সা।

আমরা যে সকল নীচ প্রবৃত্তি দ্বারা
পরিচালিত হইয়া কার্য্য করি তন্মধ্যে যশো-
লিপ্সা একটি। বিবেচনা করিয়া দেখিলে
প্রতীতি হইবে যে স্বার্থপরতা যশোলিপ্সার
মূলে অবস্থিত করিতেছে। অনেকের বি-
শ্বাস যশোলিপ্সা মনুষ্য-হৃদয়ের একটি সং-
প্রবৃত্তি, কিন্তু স্বার্থপরতা যাহার ভিত্তি
তাহাকে কি প্রকারে সংপ্রবৃত্তি বলা যাইতে
পারে! যাহারা যশোলিপ্সার অধীন হইয়া
মহৎ কার্য্য করেন তাঁহাদিগকে আমরা মহৎ
ব্যক্তি বলিতে পারি না। যশোলিপ্সা দ্বারা
উত্তেজিত হইয়া অনেকে অনেক মহৎ কার্য্যে
সম্পাদন করিয়া পৃথিবীতে মহৎ বলিয়া
বিখ্যাত হইয়াছেন, কিন্তু বাস্তবিক তাঁহারা
মহৎ-নামের বাচ্য নহেন। যিনি যশো-
লাভের আশায় নানা কষ্ট যন্ত্রণা সহ্য ক-
রিয়া পরোপকার সাধন করেন তিনি প্র-
কৃত পরোপকারী নহেন। যিনি যশোলা-
ভেচ্ছার স্বদেশের হিতসাধন করেন তিনি
প্রকৃত স্বদেশানুরাগী নহেন। যিনি ধার্ম্মিক
বলিয়া খ্যাতি লাভ করিবার জন্য নানা
ধর্ম্ম-কার্য্য সম্পাদন করেন তিনি প্রকৃত
ধার্ম্মিক নহেন। যশোলাভার্থী ধর্ম্মানুষ্ঠায়ী
ব্যক্তির সকল ধর্ম্মই ব্যর্থ হয়। বস্তুতঃ
কার্য্য দ্বারা ধার্ম্মিক অধার্ম্মিক বুঝা যায় না,
কার্য্যের উদ্দেশ্যই ধার্ম্মিক অধার্ম্মিক প্রমাণ
করিয়া দেয়। যশোলাভ করিব যে ব্যক্তির
ধর্ম্মাচরণের এই স্বার্থসাধক নীচ উদ্দেশ্য
সে সহস্র ধর্ম্ম-কার্য্য করিলেও ধার্ম্মিক

নামের বোগ্য হইতে পারে না, কিন্তু ঈশ্বরের প্রিয় কার্য সাধন করিব, আনাদের কর্তব্য পালন করিব, বাহার ধর্মাচরণের এই মহৎ নিঃস্বার্থ উদ্দেশ্য যে যৎমান্য ধর্মকার্য সম্পাদন করিলেই ধর্মিক নামের উপযুক্ত হয়। প্রকৃত ধর্মিক ব্যক্তি কেবল স্বীয় কর্তব্য-বোধ দ্বারা চালিত হইয়াই ধর্মাচরণ করেন। বাহা আমার কর্তব্য, বাহা ঈশ্বরের প্রিয় কার্য তাহা পালন করিব, তাহার যে ফল হউক তাহার প্রতি দৃকপাতও করিব না, প্রকৃত ধর্মিক ব্যক্তি এই মহৎ উচ্চ নিঃস্বার্থ ভাবে উত্তেজিত হইয়া ধর্মকার্য সম্পাদন করেন। প্রকৃত ধর্মিক ব্যক্তির আত্মায় বশোলিপ্সার স্থান নাই। যশোর্নোরভে তিনি কদাপি আকৃষ্ট হইবেন না। যশোর মোহন সৌন্দর্য্য তাঁহাকে কখন মুগ্ধ করিতে পারে না। তিনি যশোর প্রতি কখন কিছুমাত্র সমাদর প্রকাশ করেন না। যশোলিপ্সার পরিবর্তে কর্তব্য-পালনেচ্ছা তাঁহার হৃদয়কে অধিকার করিয়া বাস করে। তিনি বাহা কিছু করেন কর্তব্যপালনরূপ পবিত্র মহান উদ্দেশ্য সাধনের জন্য করিয়া থাকেন। তাঁহার হৃদয়-ব্যাপী-কর্তব্য-পালনেচ্ছার উজ্জ্বল পবিত্রতার সম্মুখে নীচ অপবিত্র যশোলাভেচ্ছা অগ্রসর হইতে সক্ষম হয় না।

যশোলাভেচ্ছায় ধর্মপালন করা নিতান্ত অস্বাভাবিক, কর্তব্য-বোধ দ্বারা প্রয়োজিত হইয়া ধর্মসাধন করাই স্বাভাবিক। যশোলিপ্সায় স্বার্থপরতা বর্তমান, কিন্তু কর্তব্য-বোধে স্বার্থপরতার লেশমাত্র নাই। ধর্মের সহিত স্বার্থের কোন সম্বন্ধ নাই, অতএব স্বার্থপরতামূলক-যশোলিপ্সা চরিতার্থ করিবার জন্য যে ধর্মকার্য করা যায় তাহাকে কি প্রকারে ধর্ম বলা যাইতে পারে? ঈশ্বর আমাদের প্রত্যেকের হৃদয়ে কর্তব্য-

বোধ নিহিত করিয়া দিয়াছেন। সেই কর্তব্য-বোধ দ্বারা পরিচালিত হইয়া আমরা সকল কার্য সম্পাদন করি ইহাই ঈশ্বরের ইচ্ছা। কর্তব্য-বোধ দ্বারা নিয়োজিত হইয়া কার্য করিলে আমাদের অধর্মে পতিত হইবার বড় অল্প সম্ভাবনা থাকে, কেন না তখন কর্তব্যপালনই আমাদের কার্যের একমাত্র উদ্দেশ্য হয়। যশোলিপ্সা দ্বারা নিয়োজিত হইয়া কার্য করিলে আমাদের পাপে নিমগ্ন হইবার সম্পূর্ণ আশঙ্কা থাকে, কেন না তখন যশোলাভই আমাদের কার্যের একমাত্র উদ্দেশ্য হয়। কর্তব্য-বোধে নিয়োজিত হইয়া কার্য করিলে আমরা যশোলিপ্সা দ্বারা নিয়োজিত হইয়া কার্য করিলে আমাদের পাপে নিমগ্ন হইবার সম্পূর্ণ আশঙ্কা থাকে, কেন না তখন যশোলাভই আমাদের কার্যের একমাত্র উদ্দেশ্য হয়। কর্তব্য-বোধে নিয়োজিত হইয়া কার্য করিলে আমরা যশোলিপ্সা দ্বারা নিয়োজিত হইয়া কার্য করিলে আমাদের পাপে নিমগ্ন হইবার সম্পূর্ণ আশঙ্কা থাকে, কেন না তখন যশোলাভই আমাদের কার্যের একমাত্র উদ্দেশ্য হয়। কর্তব্য-বোধে নিয়োজিত হইয়া কার্য করিলে আমরা যশোলিপ্সা দ্বারা নিয়োজিত হইয়া কার্য করিলে আমাদের পাপে নিমগ্ন হইবার সম্পূর্ণ আশঙ্কা থাকে, কেন না তখন যশোলাভই আমাদের কার্যের একমাত্র উদ্দেশ্য হয়। কর্তব্য-বোধে নিয়োজিত হইয়া কার্য করিলে আমরা যশোলিপ্সা দ্বারা নিয়োজিত হইয়া কার্য করিলে আমাদের পাপে নিমগ্ন হইবার সম্পূর্ণ আশঙ্কা থাকে, কেন না তখন যশোলাভই আমাদের কার্যের একমাত্র উদ্দেশ্য হয়।

যশোলিপ্সারূপ দূষিত অপবিত্র বায়ু যতদিন আমাদের হৃদয়াকাশে প্রবাহিত হইবে তত কাল আমরা যে কোন ধর্মকার্য সম্পাদন করিব উহা সে সকলকেই কল্পিত করিবে, অর্থে পরিণত করিবে। অনেকাধিক ক্রান্তিকালে যশোলিপ্সাকান্ত বলিয়া লোকে তাঁহাদিগকে দোষ দিয়া থাকে। বাস্তবিক তাঁহারা যে যশোলিপ্সার অধীন তাহা তাঁহাদের বাক্য ও কার্য প্রকাশ করিয়া থাকে। তাঁহারা যশোলিপ্সার বশবর্তী হইয়া তাঁহাদের কর্তব্য-বোধকে হীন মলিন, কণী ও নিষ্ফল করিয়া ফেলিতেছেন। তাঁহারা যশোলিপ্সাকে বিনাশ করিয়া তাঁহাদের কর্তব্য-বোধকে জাগান এবং তাহার স্বাভাবিক পরিচালন দ্বারা তাহাকে বলীয়ান করুন, পবিত্র করুন, উজ্জ্বল করুন। যশোলিপ্সা অতি নীচ, অতি ঘৃণ্য জানিয়া, উহা আধ্যাত্মিক উন্নতির একটি ভয়ানক প্রতিবন্ধক জানিয়া প্রত্যেক ধর্ম্মানুরাগী ব্রাহ্ম উহা পরিত্যাগ করুন, এবং উহার স্থানে কর্তব্য-পালনেচ্ছা প্রতিষ্ঠিত করিয়া উহাকে স্বীয় হৃদয়-রাজ্যে আধিপত্য করিতে দিউন, দেখিবেন, যশোলিপ্সার নীচায়তা স্বার্থপরতা হইতে মুক্ত হইয়া এবং কর্তব্যপালনেচ্ছার বিমল নিঃস্বার্থপরতা দ্বারা উত্তেজিত হইয়া তাঁহাদের আত্মা পবিত্র হইবে, মহান হইবে, স্বর্গীয় ভাবে সুন্দর হইবে, এবং ধর্ম্মসাধনে যে ভূমানন্দ লাভ করা যায় তাহা তাঁহারা প্রকৃত রূপে উপভোগ করিতে সমর্থ হইবেন। আমরা ঈশ্বরের নিকট প্রার্থনা করি তিনি ব্রাহ্মগণের হৃদয় হইতে যশোলিপ্সা উৎপাটিত করিয়া এবং তৎপরিবর্তে তাঁহার প্রতি কর্তব্য-পালনের নিঃস্বার্থ স্মরণ ইচ্ছা তাঁহাদিগের আত্মায় জাগাইয়া তাঁহাদিগের ধর্ম্মসাধনের পথ পরিষ্কার করিয়া দিউন।

সমালোচন।

বামাতোষিনী। শ্রী প্যারীচাঁদ মিত্র প্রণীত। কলিকাতা, শ্রীযুক্ত ঈশ্বরচন্দ্র বসু কোং কর্তৃক ষ্ট্যান্‌হোপ্ বন্নে মুদ্রিত ও প্রকাশিত। সন ১২৮৮ মান। বঙ্গভাষায় শ্রীলোকদিগের পাঠোপযোগী ধর্ম্মোপদেশপূর্ণ ও নীতিগর্ভ পুস্তকের বিশেষ অভাব দেখা যায়। বারু প্যারীচাঁদ মিত্র বহু দিবস হইতে এই অভাব পূরণ করিবার চেষ্টা করিয়া আসিতেছেন। তিনি ইতিপূর্বে শ্রীলোকদিগের পাঠার্থ কয়েকখানি উপদেশ পুস্তক লিখিয়াছেন। তাঁহার প্রণীত “বামাতোষিনী” পুস্তক অসম্মদেশীয় শ্রীলোকগণের বিশেষ উপকারী হইবে। এই পুস্তক সুখসচ্ছন্দে সংসার-বাত্রা নির্বাহ সম্বন্ধে নানা মন্ত্রপদেশ এবং বিশুদ্ধ ধর্ম্মোপদেশে পরিপূর্ণ। এই পুস্তকের নায়িকা শান্তিদায়িনী পতিপরায়ণতা, ধর্ম্ম-নিষ্ঠা, এবং ঈশ্বর-ভক্তি সবন্ধে আমাদের দেশের শ্রীলোকগণের অনুকরণযোগ্য। কি প্রকারে মাতা অস্পৃশ্য বালক বালিকাগণের ধর্ম্মভাব ও বুদ্ধির উন্মেষ করিতে পারেন এ গ্রন্থে তদ্বিষয়ে অনেক উপদেশ আছে। শ্রীলোকদিগের পাঠ্য একরূপ ধর্ম্মোপদেশপূর্ণ গ্রন্থ বঙ্গভাষায় অতি বিরল। আজকাল শিক্ষিত বঙ্গীয়পুরুষসমাজে ধর্ম্মের শিথিলতার সঙ্গে সঙ্গে শিক্ষিতা বঙ্গ স্ত্রীসমাজে ধর্ম্মের শিথিলতা উপস্থিত হইতেছে। আমাদের স্ত্রীসমাজে “বামাতোষিনী” বিস্তৃত রূপে পঠিত হইলে বঙ্গীয় রমণীদিগের ধর্ম্মানুরাগ বৃদ্ধি পাইবে। আজ কাল যে সকল বঙ্গীয় ললনা বিশ্ববিদ্যালয়ের ধর্ম্মশূন্য শিক্ষায় শিক্ষিতা হইতেছেন তাঁহারা যদি এই পুস্তক অধ্যয়ন করিয়া, ইহার নায়িকা শান্তিদায়িনীর পতিপরায়ণতা, ধর্ম্মনিষ্ঠা ও ঈশ্বর-ভক্তির সম্পূর্ণ অনুকরণ করেন তাহা হইলে তাঁহারা বঙ্গ রমণীসমাজের ভূষণ স্বরূপ হইবেন, এবং উহার মুখোজ্জ্বল করিতে সমর্থ হইবেন। ধর্ম্মশূন্য শিক্ষা রমণী-স্বভাব-মূলভ মাধুর্য্য হরণ করে। ধর্ম্মশূন্য শুষ্ক বিদ্যা শিক্ষা আমাদের দেশের শিক্ষিতা রমণীরা গৃহের ও সমাজের সুখ বৃদ্ধি করিতে পারি-

বেন না। কিন্তু যদিও তাঁহারা তাঁহাদিগের বিদ্যা-
বস্তার সহিত শান্তিদায়িনীর উচ্চ আধ্যাত্মিক গুণ
সকল যোগ করিতে পারেন তাহা হইলে তাঁহারা
মিশ্রই সমাজের উপকারিণী এবং গৃহের সুখ-
বৃদ্ধিকারিণী ও শান্তিদায়িনী হইবেন। তাঁহারা
আপনাদিগের স্ত্রী ও কন্যাগণকে ধর্মপরায়ণা
হইতে বাসনা করেন, আমরা পরামর্শ দিই, তাঁহারা
“শান্তিদায়িনীর” আদর্শ তাঁহাদিগের সম্মুখে
স্থাপন করিবেন।

বিজ্ঞাপন।

তত্ত্ববোধিনী পত্রিকার অগ্রিম বার্ষিক মূল্য ৩,
পশ্চাৎদেয় বার্ষিক মূল্য ৪।০ ডাক মাশুল ১।০।

তত্ত্ববোধিনী পত্রিকার প্রথম কণ্ঠ অর্থাৎ
(১৭৬৫ শকের ভাদ্র, যেমাস হইতে উক্ত পত্রিকা
প্রথম প্রকাশ হইতে আরম্ভ হয় তদবধি ১৭৬৮
শকের চৈত্র পর্য্যন্ত) চারি বৎসরের পত্রিকা পুনর্নু-
দ্রিত হইবার কল্পনা হইতেছে। দুই শত গ্রাহক
হইলে উক্ত কার্যে প্রবৃত্ত হওয়া যাইতে পারে।
যাঁহারা গ্রাহকশ্রেণীভুক্ত হইতে ইচ্ছা করেন,
তাঁহারা আদি ব্রাহ্মসমাজের সম্পাদকের নিকট
স্বীয় নাম ধাম লিখিয়া পাঠাইবেন। উহার বার্ষিক
অগ্রিম মূল্য ৩ টাকা অর্থাৎ প্রথম কণ্ঠের অগ্রিম
মূল্য ১২ বার টাকা।

শ্রীজ্যোতিরিন্দ্রনাথ ঠাকুর
সম্পাদক।

আগামী ২০ শে বৈশাখ মঙ্গলবার শ্যামবাজার
ব্রাহ্মসমাজের ঊনবিংশ সাংসরিক উৎসব উপ-
লক্ষে নন্দন বাগানস্থ যুত বাবু কাশীশ্বর মিত্র মহা-
শয়ের ভবনে প্রাতে ৭ ও সন্ধ্যা ৭।০ ঘটিকার
সময় ব্রহ্মোপাসনা হইবে।

শ্রীভৈরবচন্দ্র বন্দ্যোপাধ্যায়
অধ্যক্ষ।

আয় ব্যয়।

ব্রাহ্ম সমাজ ৫২।

ফান্ড।

আদি ব্রাহ্মসমাজ।

আয়	৫৪৩ ১/৫
পূর্বকার স্থিত	২৩২৭৫/১৫
সমষ্টি	২৮৭১ ১/৫
ব্যয়	৪৬০ ১/৫
স্থিত	২৪১০৫/১০

আয়

ব্রাহ্মসমাজ	৭১/৫
আস্থানিক দান।	৫
শ্রীবুদ্ধ সারদাপ্রসাদ গঙ্গোপাধ্যায় সাংসরিক দান।	১০
শ্রীবুদ্ধ নকুড়চন্দ্র বিশ্বাস সদ্যেতের কাগজ বিক্রয়	২ ১/৫

তত্ত্ববোধিনী পত্রিকা

পুস্তকালয়

যন্ত্রালয়

গচ্ছিত

সমষ্টি

ব্যয়

ব্রাহ্মসমাজ

তত্ত্ববোধিনী পত্রিকা..

পুস্তকালয়

যন্ত্রালয়

গচ্ছিত

সমষ্টি

৪৬০ ১/৫
৪৩৭ ১/৫
২৩১ ১/৫
২৩১ ১/৫
১৬২ ১/৫
১০০ ১/৫
৪৬০ ১/৫

শ্রীজ্যোতিরিন্দ্রনাথ ঠাকুর
সম্পাদক।